

VIÐSKIPTASKILMÁLAR MISMUNASAMNINGAR

Mismunasamningar eru flóknir gerningar og þeim fylgir mikil hættu á hröðu peningatapi vegna skuldsetningar. 67% af reikningum almennra fjárfesta tapa peningum í viðskiptum með mismunasamninga hjá þessum veitanda. Þú ættir að íhuga hvort þú skiljir hvernig mismunasamningar virka og hvort þú hafir efni á að taka þá miklu áhættu að tapa peningunum þínum.

Vinsamlegast athugið að ef þú opnaðir CFD-viðskiptareikninginn þinn fyrir 15. júní 2026, gildir **þessi útgáfa** af CFD-viðskiptaskilmálunum um þig.

Ef þú opnaðir CFD-viðskiptareikninginn þinn þann eða eftir 15. júní 2026 mun útgáfan af CFD-viðskiptaskilmálunum sem gildir um þig ráðast af því hlutverki sem við komum fram í, þar sem við munum starfa í blönduðu hlutverki bæði sem umbjóðandi (principal) og umboðsmaður (agent) þegar við framkvæmum CFD-pantanir þínar:

- Þegar við komum fram sem umbjóðandi munum við samþykkja pöntunina þína og framkvæma hana sjálf með því að eiga viðskipti á okkar eigin reikning. Þetta þýðir að við verðum beinn mótaðili í viðskiptum þínum og göngum beint inn í viðskiptin við þig frekar en að koma fram sem umboðsmaður þinn. Þessi núverandi útgáfa af CFD-viðskiptaskilmálunum gildir um þær pantanir þar sem við komum fram í hlutverki umbjóðanda.
- Þegar við komum fram sem umboðsmaður munum við framsenda pöntunina þína til þriðja aðila miðlara til framkvæmdar. **Þessi útgáfa** af CFD-viðskiptaskilmálunum gildir um þær pantanir þar sem við komum fram sem umboðsmaður.

Með því að halda áfram samþykkir þú að undirgangast viðeigandi útgáfu af skilmálunum á grundvelli þess hvernig pöntun þín er framkvæmd.

Ef upp kemur ósamræmi eða árekstur milli þýðingar á þessum skilmálum mismunasamninga og upprunalegu útgáfunnar á ensku skal upprunalega útgáfan gilda. Þýðingin er aðeins til hliðsjónar.

1. Inngangur og almennar upplýsingar

Í þessu skjali koma fram skilmálar og aðrar mikilvægar upplýsingar sem eiga við um fjárfestingarþjónustu okkar í tengslum við samninga um fjárhagslegan mismun („**mismunasamningur**“ eða „**mismunasamningar**“) og tengdan undirreikning fjárfestingarreikningsins. Við köllum þetta skjal „**viðskiptaskilmála mismunasamninga**“.

Viðskiptavinir (þar á meðal „þú“) Revolut Securities Europe UAB („**Revolut Securities**“, „**við**“, „**okkur**“ eða „**okkar**“) verða að opna fjárfestingarreikning hjá okkur áður en þeir geta notað fjárfestingarþjónustu okkar í tengslum við mismunasamninga.

Þú ættir að lesa þessa viðskiptaskilmála mismunasamninga vandlega, sem og viðskiptaskilmála [Revolut Securities Europe UAB](#) („**skilmála Revolut Securities**“), áður en þú gengur til samninga við okkur þar sem skilmálarnir innihalda mikilvægar upplýsingar um með hvaða hætti við veitum þér þjónustu og hvaða ábyrgð þú berð sem notandi fjárfestingarþjónustu okkar að því er varðar mismunasamninga.

Samningur okkar við þig sem varðar fjárfestingarþjónustu okkar í tengslum við mismunasamninga samanstendur af:

- þessum viðskiptaskilmálum mismunasamninga og
- skilmálum Revolut Securities.

Þessi skjöl eru aðgengileg á heimasíðu okkar og í gegnum viðskiptakerfi okkar fyrir mismunasamninga (eins og skilgreint er hér á eftir) og mynda lagalegan samning (þennan „**samning**“) á milli:

- þín; og
- Revolut Securities Europe UAB.

Ef ósamræmi er á milli skilmála Revolut Securities og þessara viðskiptaskilmála mismunasamninga skulu viðskiptaskilmálar mismunasamninga gilda. Ef orð eða orðasamband er ekki skilgreint í þessum viðskiptaskilmálum mismunasamninga telst það hafa sömu merkingu og í skilmálum Revolut Securities. Nema að samhengið krefjist annars fela tilvísanir í fjárfestingarþjónustuna í skilmálum Revolut Securities í sér þjónustu okkar í tengslum við mismunasamninga, sem lýst er í þessum viðskiptaskilmálum mismunasamninga, og tilvísanir í fjárfestingarkerfið fela í sér viðskiptakerfi mismunasamninga, sem er rafræna fjárfestingarkerfið sem er aðgengilegt í gegnum Revolut-forritið og þar sem fjárfestingarþjónusta okkar í tengslum við mismunasamninga verður veitt þér (við köllum þetta „**viðskiptakerfi mismunasamninga**“).

Við munum hugsanlega ákveða að breyta samningnum í samræmi við kafla 45 í skilmálum Revolut Securities. Þú verður ævinlega að ganga úr skugga um að þú vitir af þessum breytingum og hafir yfirfarið þær, sem og nýjustu útgáfu þessara viðskiptaskilmála mismunasamninga sem eru í gildi. Þrátt fyrir að við hvetjum þig eindregið til að lesa alla skilmála Revolut Securities vandlega áður en þú stofnar

viðskiptareikning fyrir mismunasamninga er athygli þín sérstaklega vakin á eftirfarandi köflum í skilmálum Revolut Securities: Kafli 9 (Takmarkanir á kaupum og sölu á fjármálagerningum samkvæmt fyrirmælum), kafli 11 og kafli 12 (Fullyrðingar þínar og sáttmálar), kafli 23 (Aðstæður þar sem við getum hafnað mismunasamningum þínum), kafli 30 (Réttindi okkar varðandi röskun á markaði og undantekningartilvik), kafli 31 (Réttindi okkar varðandi brotartilvik í tengslum við þig), kafli 34 (Takmörkun á bótaábyrgð okkar), kafli 35 (Atburðir þegar við biðjum þig um að greiða okkur skaðabætur), kafli 36 (Réttindi okkar vegna markaðsmisnotkunar og viðskiptaáætlunar sem þú notar og felur í sér slíka misnotkun).

Athygli er vakin á ákvæðum þessara viðskiptaskilmála mismunasamninga sem eru **auðkenndir með feitletrun** þar sem þeir setja fram mikilvægar upplýsingar um samband okkar við þig og þá þjónustu sem við veitum þér.

Áður en þú opnar viðskiptareikning fyrir mismunasamninga og/eða gefur fyrirmæli um mismunasamninga (eins og þeir eru skilgreindir hér að neðan) hjá okkur ættir þú, í þína eigin þágu og þér til verndar, að hafa lesið vandlega og skilið öll gögnin sem mynda samninginn og allar aðrar upplýsingar eða gögn sem skipta máli fyrir fjárfestingu þína (svo sem lykilupplýsingaskjalið), sem við veitum þér aðgang að í gegnum viðskiptakerfi mismunasamninga eða vefsvæði okkar. Sérstök athygli er vakin á eftirfarandi köflum í þessum viðskiptaskilmálum mismunasamninga: Kafli 7 (Skuldsetning og krafa um tryggingarfé), kafli 11 (Sjálfvirk lokun á stöðu mismunasamninga), kafli 12 (Vernd gegn neikvæðri stöðu), kafli 14 (Framkvæmd mismunasamninga), kafli 15 (Aðgerðir fyrirtækja), kafli 16 (Undantekningartilvik og aðgerðir sem við áskiljum okkur).

Þrátt fyrir að okkur beri samkvæmt gildandi lögum að innleiða tilteknar ráðstafanir til að vernda hagsmuni þína, svo sem takmörkun skuldsetningar, reglu um lokun vegna ónógs tryggingarfjár eftir reikningum, vernd gegn neikvæðri stöðu samkvæmt reikningi sem verndar þig gegn því að tapa meiru en fjárhæðinni sem þú fjárfestir, **berum við ekki ábyrgð á tapi sem þú verður fyrir vegna viðskipta með mismunasamninga.**

Með því að staðfesta og samþykkja þessa viðskiptaskilmála mismunasamninga staðfestir þú að þú skiljir fullkomlega áhættuna sem tengist viðskiptum með mismunasamninga og/eða hafir leitað eftir óháðri ráðgjöf um fjárfestingar, fjármál, lög og skatta og annarri nauðsynlegri faglegri ráðgjöf áður en þú notar fjárfestingarþjónustu okkar.

Samningurinn tekur gildi og gildir um þig frá þeim degi sem þú samþykkir þessa viðskiptaskilmála mismunasamninga og opnar undirreikning á fjárfestingarreikningi

þínum í því skyni að stofna til viðskipta með mismunasamninga. Við köllum þennan undirreikning „**viðskiptareikning fyrir mismunasamninga**“. Viðskiptareikningur fyrir mismunasamninga í Revolut-forritinu gæti verið nefndur „**lánareikningur**“, sem ber að skilja sem samheiti við viðskiptareikning fyrir mismunasamninga.

Þessi samningur er afhentur þér á ensku og öll samskipti okkar og samband við þig fer fram á ensku á meðan samningurinn gildir. Sérhver útgáfa af þessum samningi eða viðskiptakerfi fyrir mismunasamninga sem veitt er á öðru tungumáli en ensku er eingöngu til hægðarauka fyrir þig. Ef ósamræmi er milli skjala og/eða upplýsinga á ensku og útgáfu skjals og/eða upplýsinganna sem við veitum þér á öðru tungumáli en ensku skal enska útgáfan af slíkum skjölum og/eða upplýsingum gilda.

2. Hvað er mismunasamningur?

Mismunasamningur er samningur milli „kaupanda“ og „seljanda“ um að skipta mismuninum á gangverði eignar sem liggur til grundvallar (t.d. hlutabréfum, gjaldmiðlum, hrávörum, vísitölum o.s.frv.) og verði hennar með sér þegar samningnum er lokað. Markmiðið með mismunasamningum er að gefa handhafanum tækifæri til að taka gnótt- eða skortstöðu í sveiflum í verði, stigi eða verðmæti eignar sem liggur til grundvallar. Með öðrum orðum, mismunasamningar gera þér kleift að nýta þér verð sem færist upp (með því að taka „gnóttstöðu“) eða verð sem færist niður (með því að taka „skortstöðu“) á eignum sem liggja til grundvallar. Þegar kaupandi mismunasamningsins væntir þess að virði eignar sem liggur til grundvallar muni hækka í framtíðinni (þ.e. viðskiptavinurinn tekur gnóttstöðu í mismunasamningnum) hagnast kaupandi mismunasamningsins ef virði eignar sem liggur til grundvallar hefur hækkað frá virði eignarinnar daginn sem mismunasamningurinn var gerður, en tapar ef virði eignar sem liggur til grundvallar hefur lækkað. Ef kaupandi mismunasamningsins væntir þess hins vegar að virði eignar sem liggur til grundvallar lækki í framtíðinni (þ.e. viðskiptavinurinn tekur skortstöðu í mismunasamningnum) hagnast kaupandi mismunasamningsins ef virði eignar sem liggur til grundvallar hefur lækkað frá virði eignarinnar daginn sem mismunasamningurinn var gerður og tapar ef virði eignar sem liggur til grundvallar hefur hækkað.

Mismunasamningar veita þér eða okkur engin réttindi í tengslum við eign sem liggur til grundvallar í viðkomandi stöðu mismunasamnings. Mismunasamningur er samningur sem gerður er upp í reiðufé, sem þýðir að hvorki þér né okkur ber skylda til að afhenda neina tiltekna eign sem liggur til grundvallar í viðskiptum með mismunasamning. Að auki munu viðskipti með mismunasamninga aðeins skapa þér

stöðu í eign sem liggur til grundvallar (t.d. hlutabréfum) en þú verður ekki eigandi slíkrar eignar.

Að teknu tilliti til eðlis þeirra fara viðskipti með mismunasamninga yfirleitt fram utan verðbréfamarkaða (á „OTC-grundvelli“) en ekki á skipulegum markaði, markaðstorgi fjármálagerninga eða á skipulegu markaðstorgi (sem nefnast einu nafni „markaður eða kauphöll“). **Með því að staðfesta og samþykkja þessa viðskiptaskilmála mismunasamninga samþykkir þú að fyrirmæli þín megi framkvæma utan markaðar eða kauphallar.**

Með því að samþykkja og fallast á þessa viðskiptaskilmála mismunasamninga er þér ljóst að við:

- munum, við tilteknaðar aðstæður, þurfa að loka sjálfkrafa stöðu mismunasamninga þinna, án þess að tilkynna þér um það eða með mjög skömmum fyrirvara (eins og útskýrt er nánar í kafla 11); og
- munum hugsanlega breyta viðeigandi kröfum um tryggingarfé (eins og þær eru skilgreindar í kafla 7 hér að neðan) að eigin ákvörðun eða, ef þess er krafist samkvæmt gildandi lögum, með mjög skömmum fyrirvara. Slíkt gæti einnig gerst í tengslum við stöðu opinna mismunasamninga; og
- ekki er víst að hægt sé að tilkynna þér um breytingu á kröfum um tryggingarfé vegna undantekningartilvika (eins og þau eru skilgreind í kafla 16 hér að neðan).

Við munum nýta okkur rétt okkar til að loka sjálfkrafa stöðu(m) mismunasamninga þinna og breyta kröfum um tryggingarfé í samræmi við samninginn og gildandi lög.

Þú skilur og staðfestir að vegna mikillar skuldsetningar, breytinga á kröfum um tryggingarfé, þar með talið um opnar stöður mismunasamninga og óstöðugleika eigna sem liggja til grundvallar verður þú að verja nægum tíma til að stýra og fylgjast með öllum stöðum mismunasamninga þinna.

Lestu lýsingu okkar á þjónustu, fjármálagerningum og áhættu („[áhættulýsingarskjalið](#)“) og lykilupplýsingaskjalið um viðkomandi mismunasamninga, sem eru aðgengileg í Revolut-forritinu, áður en þú opnar viðskiptareikning fyrir mismunasamninga og leggur fram fyrirmæli um mismunasamninga, í því skyni að skilja helstu áhættur og eiginleika þess að eiga viðskipti með mismunasamninga.

3. Viðskiptaþjónusta fyrir mismunasamninga

Fjárfestingaþjónustan sem við veitum þér samkvæmt samningnum er þjónusta án sérstakrar ráðgjafar og á grundvelli framkvæmdar fyrir mæla eingöngu í tengslum við færslur með mismunasamninga („**viðskiptaþjónusta fyrir mismunasamninga**“). Við veitum þér viðskiptaþjónustu fyrir mismunasamninga í gegnum viðskiptakerfi okkar fyrir mismunasamninga sem er hluti af fjárfestingarkerfinu þar sem við veitum þér aðra fjárfestingaþjónustu. Við framkvæmum pantanir þínar um mismunasamninga og komum fram sem beinn mótaðili þinn við allar færslur þínar með mismunasamninga. Þetta þýðir að við komum fram sem aðalmótaðili, en ekki sem umboðsaðili fyrir þína hönd, og þú stofnar til færslna með mismunasamninga beint við okkur. Upplýsingar um hvernig við framkvæmum pantanir þínar á mismunasamningum koma fram í reglum okkar um meðferð pantana og bestu framkvæmdarstefnu og samantekt („[reglur um bestu framkvæmd](#)“).

Við veitum enga fjárfestingaráðgjöf, lagalega, skattalega eða aðra svipaða ráðgjöf eða persónulegar ráðleggingar í tengslum við viðskiptaþjónustu fyrir mismunasamninga (þjónustu án ráðgjafar) og þú berð fulla ábyrgð á öllum fjárfestingaákvörðunum og -aðgerðum sem tengjast viðskiptum með mismunasamninga sem þú stofnar til í gegnum viðskiptakerfi okkar fyrir mismunasamninga.

Engar upplýsingar sem berast frá okkur eða eru aðgengilegar í viðskiptakerfi fyrir mismunasamninga eða á vefsvæði okkar, þ.m.t. markaðsgögn og upplýsingar um verð mismunasamninga, ætti að skilja sem ráðgjöf né fara með sem slíkar. Allar slíkar upplýsingar og gögn hafa verið látin þér í té án þess að tekið væri mið af persónulegum aðstæðum þínum.

Þú munt geta fengið aðgang að viðskiptaþjónustu okkar fyrir mismunasamninga og átt viðskipti með mismunasamninga í gegnum viðskiptakerfi okkar fyrir mismunasamninga. Viðeigandi upplýsingar um mismunasamninga verða veittar þér í gegnum viðskiptakerfi okkar fyrir mismunasamninga.

Mat á gjaldgengi

Mismunasamningar eru mjög flóknir og mikið skuldsettir fjármálagerningar og þeim fylgir mikil áhætta. Mismunasamningar eru ætlaðir fjárfestum sem hafa næga reynslu og þekkingu á viðskiptum með slíka gerninga og geta skilið og samþykkt áhættuna sem fylgir slíkum skuldsettum fjármálaafurðum. Áður en þú getur hafið viðskipti með mismunasamninga ber okkur því skylda til að meta hvort þú sért gjaldgeng(ur) til að gera mismunasamninga með tiltekna eignir sem liggja til grundvallar („**mat á gjaldgengi**“). Við munum framkvæma mat á gjaldgengi með því að biðja þig að veita

viðeigandi upplýsingar um þekkingu þína og reynslu í tengslum við viðskipti með afurðir mismunasamninga.

Það er afar mikilvægt og í þágu þinna hagsmuna að þú veitir okkur nýuppfærðar, nákvæmar og ítarlegar upplýsingar og upplýsir okkur samstundis um allar breytingar. Frekari upplýsingar um það hvernig við munum framkvæma mat á gjaldgengi og um afleiðingar þess að veita ekki umbeðnar upplýsingar eða ófullnægjandi upplýsingar er að finna í kafla 8 (Þjónusta án ráðgjafar) í skilmálum Revolut Securities.

Þú staðfestir og skilur að þú munir bera alla ábyrgð á öllum ákvörðunum þínum um viðskipti ef þú ákveður að halda áfram með viðskipti með mismunasamninga að fenginni viðvörun okkar um að þessi fjármálagerningur henti þér ekki. mismunasamninga og gerðir þeirra

4. Vörur úr Mismunasamningum og gerðir þeirra

Fjármálagerningur fyrir mismunasamning með tiltekna eign sem liggur til grundvallar sem hægt er að eiga viðskipti með í gegnum viðskiptakerfi fyrir mismunasamninga verður birtur í viðskiptakerfi fyrir mismunasamninga og getur breyst frá einum tíma til annars. Við köllum slíkan mismunasamningagerning **„afurð mismunasamninga“**.

Þú getur sent inn leiðbeiningar um að opna eða loka gnótt- eða skortstöðu fyrir tiltekna afurð mismunasamninga með því að nota viðskiptakerfi okkar fyrir mismunasamninga. Við köllum slíkar leiðbeiningar **„fyrirmæli um mismunasamninga“**. Þegar þú gefur fyrirmæli um mismunasamninga verður þú beðin(n) um að veita viðeigandi upplýsingar um fyrirmæli þín um mismunasamninga. Eftir að fyrirmæli þín um mismunasamninga hafa verið framkvæmd og þú gerist aðili að viðskiptum með mismunasamninga geturðu fylgst með öllum opnum stöðum mismunasamninga þinna, þá einkum afurða mismunasamninga, gegnum viðskiptakerfið fyrir mismunasamninga. Við köllum hreina samtölu allra viðskipta mismunasamninga fyrir tiltekna afurð mismunasamninga á viðskiptareikningi þínum fyrir mismunasamninga **„stöðu mismunasamninga“**.

Við getum ekki ábyrgst að nein tiltekin afurð mismunasamninga sem kann að vera tiltæk fyrir viðskipti á hverjum tíma verði alltaf jafn tiltæk eða verði tiltæk í gegnum viðskiptakerfið fyrir mismunasamninga og við höfum einhliða val um hvort við bætum við, frestum og/eða fjarlægjum hvaða vöru sem er í viðskiptakerfinu fyrir mismunasamninga.

Auk þess munum við setja hömlur eða takmarkanir á tiltekna afurðir mismunasamninga og/eða söfn slíkra afurða sem þú kannt að kaupa eða selja gegnum viðskiptakerfið fyrir mismunasamninga, og við munum hugsanlega breyta slíkum hömlum og takmörkunum af og til. Frekari upplýsingar um slíkar hömlur og takmarkanir er að finna í kafla 5 (Eiginleikar) í þessum viðskiptaskilmálum mismunasamninga.

Ef við fjarlægjum afurð mismunasamninga úr viðskiptakerfi okkar fyrir mismunasamninga þar sem þú ert með fyrirbyggjandi stöðu með mismunasamningum munum við tilkynna þér það fyrirfram með tölvupósti og/eða tilkynningu í forritinu og fjarlæging slíkrar afurðar mismunasamninga skal taka gildi á þeim degi sem tilgreindur er í slíkri tilkynningu.

Það er á þína ábyrgð að hætta við öll fyrirmæli um mismunasamninga sem eru í bið eða loka þeim stöðum mismunasamninga sem þarf að loka að því er varðar afurð mismunasamninga sem er verið að fjarlægja úr viðskiptakerfinu fyrir mismunasamninga, í samræmi við skilmála og innan þess tímaramma sem tilgreindur er í tilkynningu okkar. Ef þú gerir þetta ekki gætum við þurft að hætta við fyrirmæli um mismunasamninga sem eru í bið og/eða loka gildandi stöðum viðkomandi mismunasamninga á gildandi verði (eins og skilgreint er í kafla 9 hér að neðan).

Í ákveðnum tilvikum, svo sem þegar við getum ekki lengur boðið upp á slíkar afurðir mismunasamninga samkvæmt lögum eða ef grundvallarbreytingar verða á skilyrðum á markaði eða kauphöll eignar sem liggur til grundvallar slíkrar afurðar mismunasamninga, eða ef undantekningartilvik eða aðgerðir fyrirtækja eiga sér stað, munum við hugsanlega fjarlægja viðkomandi afurð mismunasamninga án nokkurs fyrirvara.

Við munum leggja okkur fram um að gefa þér nægan tíma og tækifæri til að hætta við öll fyrirmæli um mismunasamninga sem eru í bið eða loka stöðum mismunasamninga í tengdum afurðum mismunasamninga sem verið er að fjarlægja. Í vissum tilvikum er það þó ef til vill ekki mögulegt og við gætum þurft að hætta við fyrirmæli um mismunasamninga sem eru í bið og loka tengdum stöðum mismunasamninga tafarlaust.

Við munum gæta hagsmuna þinna og taka mið af markaðsstöðlum og viðeigandi aðstæðum í hverju einstöku tilviki þegar við þurfum að hætta við fyrirmæli þín um mismunasamninga sem eru í bið eða loka stöðum mismunasamninga í afurðum mismunasamninga sem verið er að fjarlægja eða loka tímabundið í viðskiptakerfinu fyrir mismunasamninga. Hins vegar berum við ekki ábyrgð á neinu tapi eða kostnaði

sem þú gætir þurft að bera vegna tímabundinnar lokunar, fjarlægingar og/eða þvingaðra slita á mismunasamningum þínum, nema slíkt sé bein afleiðing af svikum okkar, ásetningi eða vítaverðu gáleysi.

5. Eiginleikar

Við munum setja ýmsar hömlur, takmarkanir og aðra eiginleika sem eiga við um fyrirmæli um mismunasamninga, viðskipti með mismunasamninga varðandi hverja afurð mismunasamninga og/eða viðskiptareikning þinn fyrir mismunasamninga, þ.m.t. viðskiptatakmarkanir (hæsta og lægsta grundvallargildi stöðu mismunasamninga gagnvart tiltekinni afurð), stærðir laga, verðbil, viðskiptatíma (eins og skilgreint er hér að neðan). Við köllum þetta „**eiginleika**“. Upplýsingar um eiginleika að því er varðar viðkomandi afurðir mismunasamninga verða tiltækar í gegnum viðskiptakerfi okkar fyrir mismunasamninga.

Áður en þú leggur fram eða breytir fyrirmælum um mismunasamninga verður þú að kynna þér alla núverandi eiginleika fyrir tiltekna afurðir mismunasamninga með því að skoða þær upplýsingar sem eru aðgengilegar í viðskiptakerfi okkar fyrir mismunasamninga. Nema við samþykki annað skulu sömu eiginleikar eiga við um alla viðskiptareikninga þína fyrir mismunasamninga sem þú hefur opnað hjá okkur.

Þú gerir þér grein fyrir og samþykkir að við getum breytt þessum eiginleikum hvenær sem er og slíkar breytingar geta tekið gildi um leið og þær hafa verið gerðar. Við erum ekki ábyrg fyrir því að tilkynna þér um slíkar breytingar á eiginleikum. Vegna breytinga á tilteknum eiginleikum gætir þú þurft að loka öllum viðskiptum með þá mismunasamninga sem breytingarnar varða.

Ef framkvæmd fyrirmæla um mismunasamninga myndi leiða til brots á eiginleikanum sem skiptir máli fyrir slík fyrirmæli um mismunasamning verður fyrirmælum um mismunasamninga sjálfkrafa hafnað. Við munum einnig hafna viðeigandi fyrirmælum um mismunasamninga eða fyrirmælum um að breyta fyrirbyggjandi fyrirmælum um mismunasamninga sem eru í bið ef samþykki slíkra fyrirmæla eða leiðbeininga um mismunasamninga myndi leiða til brots á viðkomandi eiginleikum.

Að auki gætum við, að eigin ákvörðun, sett takmörk á viðskiptareikning þinn fyrir mismunasamninga, sem myndi takmarka fjölda fyrirmæla um mismunasamninga og/eða fyrirmæla um mismunasamninga sem eru í bið og sem gætu hafa komið frá þér eða stöðu þeirra mismunasamninga sem þú kannt að hafa opnað á viðskiptareikningi fyrir mismunasamninga.

Við berum ekki ábyrgð á tapi eða kostnaði sem þú verður fyrir vegna fyrirmæla um mismunasamninga sem hefur verið hafnað eða hætt við, eða lokaðrar stöðu mismunasamninga sem brýtur eða myndi brjóta, væru þau framkvæmd, gegn eiginleikunum sem hafa verið stilltir fyrir fyrirmæli þín um mismunasamninga, stöður mismunasamninga og/eða viðskiptareikning þinn um mismunasamninga, nema um sé að ræða beina afleiðingu af svikum okkar, ásetningi eða vítaverðu gáleysi.

6. Viðskiptareikningur fyrir mismunasamninga

Áður en þú stofnar til viðskipta með mismunasamninga biðjum við þig um að opna sérstakan viðskiptareikning fyrir mismunasamninga sem verður notaður til að leggja inn og taka út peninga, sýna innstæður þínar í reiðufé, leggja inn fyrirmæli um mismunasamninga og framkvæma aðra starfsemi í tengslum við viðskipti með mismunasamninga.

Þú getur fylgst með viðskiptareikningi þínum fyrir mismunasamninga og öllum opnum stöðum mismunasamninga í gegnum viðskiptakerfi okkar fyrir mismunasamninga, sem er aðgengilegt í gegnum Revolut-forritið. Þú berð ábyrgð á öllum kostnaði og gjöldum sem stofnað er til í því ferli að greiða inn á viðskiptareikning þinn fyrir mismunasamninga.

Þú getur fjármagnað viðskiptareikning þinn fyrir mismunasamninga með því að millifæra peninga af reikningnum sem þú hefur opnað með tilboðsaðila Revolut-reiknings eða með öðrum hætti, sem tilgreindur er í kafla 38 (Greiðsla fyrir fyrirmæli) í skilmálum Revolut Securities.

Þegar þú millifærir fjármuni á viðskiptareikninginn þinn fyrir mismunasamninga lítum við á það sem fyrirmæli frá þér um að millifæra slíka fjármuni á aðskilinn fjármunareikning sem stofnaður hefur verið hjá gjaldgengum þriðja aðila (eins og skilgreint er í skilmálum Revolut Securities). Við berum ekki ábyrgð á neinu tapi sem þú kannt að verða fyrir vegna aðgerða sem gjaldgengur þriðji aðili grípur til eða grípur ekki til í tengslum við fjármuni viðskiptavinar, af öðrum sökum en vegna svika, ásetnings eða vítaverðs kæruleysis af okkar hálfu.

Við munum hugsanlega, en erum ekki skuldbundin til að, gera millifærðu fjármunina strax tiltæka fyrir þig til að eiga viðskipti með mismunasamninga. Að öðrum kosti verða millifærðu fjármunirnir tiltækir fyrir viðskipti með mismunasamninga þegar við leggjum inn á viðskiptareikning þinn fyrir mismunasamninga, sem gæti tekið allt að

einn (1) virkan dag. Þegar fjármunirnir eru tiltækir til að greiða fyrir fyrirmæli þín um mismunasamninga birtast viðeigandi upphæðir í gegnum viðskiptakerfi okkar fyrir mismunasamninga. Ef seinkun verður á innlögn á viðskiptareikning þinn fyrir mismunasamninga berum við ekki ábyrgð gagnvart þér vegna neins taps sem verður vegna seinkunar á innlögn greiðslu á viðskiptareikning þinn fyrir mismunasamninga.

Þú getur opnað viðskiptareikninga fyrir mismunasamninga í mismunandi gjaldmiðlum og valið eða breytt grunngjaldmiðli þínum úr þeim sem eru í boði í viðskiptakerfinu fyrir mismunasamninga. Allar innlaganir á viðskiptareikning þinn fyrir mismunasamninga verða gerðar í valda gjaldmiðlinum. Þú getur millifært fjármuni inn á viðskiptareikning þinn fyrir mismunasamninga í öðrum gjaldmiðli, og í því tilviki verða slíkir fjármunir umreiknaðir í gjaldmiðil reikningsins þíns af okkur eða viðeigandi tilboðsaðila Revolut-reiknings og gjöld fyrir umreikning gjaldmiðils kunna að eiga við. Viðeigandi gjaldmiðlar sem þú getur átt viðskipti með mismunasamninga í verða birtir í viðskiptakerfinu fyrir mismunasamninga. Þegar þú átt viðskipti með mismunasamninga sem skráðir eru í öðrum gjaldmiðli en einum af grunngjaldmiðlum reikningsins þíns, verður öllum innleystum hagnaði, tapi, kostnaði eða gjöldum umbreytt í grunngjaldmiðil reikningsins þíns á viðeigandi gengi. Viðeigandi umreikningsgengi gjaldmiðils og öll gjöld verða birt þér í Revolut-forritinu.

Handbært fé sem birtist á viðskiptareikningi þínum fyrir mismunasamninga jafngildir ekki endilega þeirri upphæð sem þú mátt taka út. Það þýðir að ef þú ert með einhverjar opnar stöður fyrir mismunasamninga geturðu lagt fram beiðni um að taka út peninga upp að upphæð sem er annaðhvort jöfn innstæðunni þinni sem er í boði til að fjárfesta (eins og skilgreint er hér að neðan) eða upphæð handbærs fjár (eins og skilgreint er hér að neðan) sem er á viðskiptareikningi fyrir mismunasamninga, hvort sem er lægra. Handbært fé sem geymt er á viðskiptareikningi fyrir mismunasamninga inniheldur allar upphæðir sem hafa verið færðar inn á viðskiptareikning fyrir mismunasamninga og innleystan hagnað af lokuðum stöðum mismunasamninga, **að frádregnum** þeim gjöldum sem þú skuldar okkur, innleystu tapi af lokuðum stöðum mismunasamninga, sem og peningum sem þú hefur tekið út af viðskiptareikningi fyrir mismunasamninga. Við köllum þetta „**handbært fé**“.

„**Reikningsvirði**“ þitt er samtala handbærs fjár á viðskiptareikningi þínum fyrir mismunasamninga og hreins óinnleysts hagnaður og taps (eins og við á) af mismunasamningum þínum, reiknað út frá leiðbeinandi verði sem birtist í viðskiptakerfi mismunasamninga og er uppfært í rauntíma á opnunartíma markaða. Til að taka af allan vafa verður ekki tekið tillit til fjármálagerninga og/eða fjármuna á öðrum fjárfestingarreikningi sem þú stofnar hjá okkur við útreikning á reikningsvirði þínu. Innstæða þín sem er „**laus til fjárfestinga**“ merkir þá upphæð sem er jöfn

núverandi reikningsvirði þínu að **frádreginni** þeirri tryggingarfjárhæð sem þarf til að halda öllum mismunasamningum þínum opnum.

Það er mjög mikilvægt að þú fylgist stöðugt með virði viðskiptareiknings þíns fyrir mismunasamninga sem verður birt í viðskiptakerfinu fyrir mismunasamninga og uppfært í rauntíma á opnunartíma markaða.

Við tökum ekki ábyrgð á neinu tapi eða kostnaði sem þú verður fyrir vegna þess að þú stofnar til færslna með mismunasamninga með fjármunum sem eru lagðir inn eða færðir á viðskiptareikning þinn fyrir mismunasamninga vegna villu af okkar hálfu. Við höfum hvenær sem er og að eigin vild rétt til að draga frá, án tilkynningar eða þess að leita til þín, alla fjármuni sem eru lagðir inn eða færðir á viðskiptareikning þinn fyrir mismunasamninga vegna villu af okkar hálfu eða fyrir okkar hönd.

Þú gerir þér grein fyrir og samþykkir að engir vextir verði greiddir til þín af þeim fjármunum sem geymdir eru hjá okkur til viðskipta með mismunasamninga eða á annan hátt samkvæmt samningnum.

Með hliðsjón af skuldsetningu og sveiflum á viðkomandi mörkuðum eða kauphöllum eigna sem liggja til grundvallar gætirðu viljað bæta nægilegum fjármunum inn á viðskiptareikning þinn fyrir mismunasamninga umfram kröfuna um tryggingarfé sem þarf til að opna og viðhalda stöðum mismunasamninga til að tryggja að reikningsvirði þitt sé hærra en samanlögð krafa um tryggingarfé sem á við um allar opnar stöður mismunasamninga. Áður en þú millifærir peninga á eða af viðskiptareikningi þínum fyrir mismunasamninga ættir þú að íhuga stöðu þína fyrir opna mismunasamninga, pantanir fyrir mismunasamninga í bið, óstöðugleika eigna sem liggja til grundvallar og þann tíma sem það tekur þig að framkvæma frekari greiðslur til okkar.

Við gætum sameinað viðskipti þín með mismunasamninga sem eru opnuð á sama tíma að því er varðar sömu afurð mismunasamninga (þ.e. mismunasamning sem hefur sömu eign sem liggur til grundvallar), sem mun endurspeglast á viðskiptareikningi þínum fyrir mismunasamninga.

Við gætum, að eigin rökstuddu ákvörðun, neitað eða seinkað að verða við beiðni þinni um úttekt á peningum af viðskiptareikningi þínum fyrir mismunasamninga (að hluta eða í heild), þar á meðal vegna beiðni um að loka viðskiptareikningi fyrir mismunasamninga. Í slíkum tilvikum látum við þig vita skriflega eins fljótt og auðið er.

7. Skuldsetning og kröfur um tryggingarfé

Mismunasamningar eru vogaðir fjármálagerningar. Þetta þýðir að mismunasamningar bjóða upp á stöðutöku í eigninni sem liggur til grundvallar en þú þarft aðeins að leggja fram hluta af heildarverðmætinu (grundvallarfjárhæðinni) fyrir stöðuna með mismunasamningnum. Slík upphafleg innborgun, gefin upp sem ákveðinn hundraðshluti af heildarvirði fyrirmæla um mismunasamning, er kölluð „**upphaflegt tryggingarfé**“. Við notum upphaflega tryggingarféð þitt sem tryggingu gegn hugsanlegu tapi sem þú gætir orðið fyrir í viðskiptum þínum með mismunasamninga og munum krefjast þess að þú annaðhvort greiðir þessa upphæð til okkar eða geymir hana á viðskiptareikningi þínum með mismunasamninga. Upphaflega tryggingarféð og aðrar fjárhæðir sem við krefjumst af þér til að halda mismunasamningnum þínum opnum köllum við „**tryggingarféð**“.

Við munum ákvarða upphaflega upphæð tryggingarfjárhæðarinnar sem þarf til að eiga viðskipti með tiltekna afurð mismunasamninga, sem og aðrar kröfur um tryggingarfé, áður en þú tekur þátt í viðskiptum með mismunasamninga. Við veitum allar viðeigandi upplýsingar um kröfur um tryggingarfé í viðskiptakerfinu fyrir mismunasamninga. Þar sem upphafleg tryggingarfjárhæð er reiknuð út frá virði eignar sem liggur til grundvallar mismunasamningnum mun upphafleg tryggingarfjárhæð vegna stofnunar mismunasamningsviðskipta sveiflast í samræmi við virði eignarinnar sem liggur til grundvallar. Þetta þýðir að upphaflega tryggingarféð áður en þú leggur fram fyrirmæli um mismunasamninga gæti verið hærra (eða lægra) samanborið við raunverulegt tryggingarfé sem greiðist þegar þú stofnar til viðskipta með mismunasamninga. Þess vegna getur verið að þú viljir alltaf eiga peningainnstæðu á viðskiptareikningnum þínum fyrir mismunasamninga sem er hærri en kröfurnar um tryggingarfé.

Upphafleg krafa um tryggingarfé fer eftir eigninni sem liggur til grundvallar afurð mismunasamninga sem þú vilt eiga viðskipti með, þar sem sveiflukenndar fjáreignir krefjast almennt hærri upphaflegrar tryggingar og verða alltaf tilgreindar í viðskiptakerfinu fyrir mismunasamninga. Ef þú ert almennur fjárfestir þurfum við, samkvæmt gildandi lögum, að ákvarða lágmarkstryggingarfjárhæð sem þarf til að eiga viðskipti með mismunasamninga. Þetta þýðir að upphaflegu kröfurnar um tryggingarfé mismunasamningana sem við bjóðum upp á, sem byggir á tilteknum eignum sem liggja til grundvallar þeirra, eru ákvarðaðar í gildandi lögum og ekki er hægt að lækka þær. En eins og fram kemur hér að neðan áskiljum við okkur rétt til að setja fram hærri kröfur um tryggingarfé í upphafi en lög kveða á um.

Upphafleg krafa um tryggingarfé verður reiknuð og álögð á grundvelli stöðu mismunasamninga. Þar af leiðandi, vegna lækkunar á virði undirliggjandi fjáreignar, er hugsanlegt að inngreitt tryggingarfé lækki líka. Til að koma í veg fyrir lokun á stöðum

Þinna mismunasamninga þegar viðskiptareikningur fyrir mismunasamninga nær fyrirfram ákveðnum lokunarmörkum vegna ónógs tryggingarfjár (lokunarstigi) sem lýst er í kafla 11 hér að neðan, gætirðu þurft að leggja fram viðbótarfjárhæðir (tryggingafé) til að halda stöðu þinna mismunasamninga opinni. Fjárhæðin sem þú verður að hafa tiltæka sem framlegð á viðskiptareikningi þínum fyrir mismunasamninga til að viðhalda stöðu mismunasamninga verður tilgreind á viðskiptakerfi okkar fyrir mismunasamninga.

Nema þú lokir stöðu viðkomandi mismunasamnings er ekki hægt að taka út peninga sem eru lagðir inn sem upphaflegt tryggingarfé til að opna tiltekna stöðu mismunasamninga af viðskiptareikningnum þínum fyrir mismunasamninga. Ef virði reikningsins þíns er lægra en áskilið tryggingarfé fyrir allar stöður mismunasamninga geturðu ekki tekið út peninga nema þú lokir einni eða fleiri stöðum mismunasamninga.

Breyting á kröfum um tryggingarfé

Þú munt ekki geta breytt (lækkað eða hækkað) tryggingarfénu sem þarf til að opna og halda stöðu mismunasamninga eða breyta öðrum kröfum um tryggingarfé, þar á meðal, án takmarkana, lokunarstigi og endurstillingarstigi (eins og þessi hugtök eru skilgreind í kafla 11 hér að neðan), hvorki fyrir né eftir að þú hefur átt viðskipti með mismunasamninga.

Við áskiljum okkur rétt, að eigin ákvörðun, til að breyta tryggingarfénu sem þarf til að opna og halda stöðu mismunasamninga þinna hvenær sem er. Við gætum einnig hvenær sem er breytt öðrum kröfum um tryggingarfé sem eiga við um afurð mismunasamninga, stöður þinna mismunasamninga og viðskiptareikning þinn fyrir mismunasamninga. **Þú gerir þér grein fyrir og samþykkir að réttur okkar til að breyta kröfunni um tryggingarfé eða öðrum kröfum um tryggingarfé á einnig við um opnar stöður mismunasamninga þinna sem gætu leitt til sjálfvirkrar lokunar á stöðum mismunasamninga (eins og útskýrt er í kafla 11 hér að neðan).**

Eftir að þú hefur tekið þátt í viðskiptum með mismunasamninga gætum við breytt upphaflega tryggingarfénu og öðrum kröfum um tryggingarfé sem eiga við um tilboðin þín í opnum mismunasamningum eða viðskiptareikning þinn með mismunasamninga, ef við teljum það nauðsynlegt, til dæmis en án takmarkana, til að bregðast við eða vegna væntinga um eitthvað af eftirfarandi:

1. verulegar breytingar á mörkuðum eða viðskipti með eignir sem liggja til grundvallar í viðskiptum þínum með mismunasamninga, þar á meðal, en takmarkast ekki við, efnislegar breytingar á sveiflum og/eða lausafjárstöðu eignar sem liggur til grundvallar eða á fjármálamarkaðinum almennt, efnislegt verðbil, hagræna eða pólitíska atburði og tíðindi, aðgerðir fyrirtækja og breytingar á markaðsvirði;

2. afskráning undirliggjandi eigna í færslum þínum með mismunasamninga eða breyting á skráningarvettvangi undirliggjandi eignar yfir á markað eða kauphöll sem eru ekki í boði eða studd af okkur eða gagnaðilum okkar í áhættuvörnum;
3. útgefandi sem á undirliggjandi verðbréf sem standa fyrir viðskipti þín með mismunasamninga, að hluta eða í heild sinni, verður gjaldþrota (eða orðrómur er á kreiki um gjaldþrot) eða hefur verið útilokaður frá viðskiptum á viðkomandi mörkuðum eða kauphöllum;
4. breytingar á gildandi lögum eða reglugerðum, þ.m.t. viðmiðunarreglum eða útskýringum sem hafa áhrif á kröfur um tryggingarfé, viðskipti, áhættuvarnir eða verðlagningu eignar sem liggur til grundvallar eða veitingu viðskiptaþjónustu mismunasamninga til þín;
5. breytingar sem utanaðkomandi miðlari okkar eða áhættuvarnarmótaðilar gera á kröfum um tryggingarfé sem gilda um okkur eða reglum um tryggingarfé sem ákvarðast af viðkomandi markaði eða breytingum á gengi;
6. áhættuskuldbindingu okkar verður beint að tilteknum markaði eða kauphöll, eða geira sem afleiðing af stöðu þinna mismunasamninga hjá okkur eða stöðu mismunasamninga annarra viðskiptavina okkar;
7. önnur sérstök tilvik og undantekningartilvik eða aðstæður sem við höfum ekki stjórn á.

Við munum reyna að tilkynna þér fyrirfram áður en við gerum breytingar á kröfum um tryggingarfé á opnum mismunasamningum þínum eða viðskiptareikningi þínum fyrir mismunasamninga vegna slíkra undantekningartilvika (eins og slík tilvik eru skilgreind í 16. kafla), en þó getum við aðeins tilkynnt slíkt eftir að breytingarnar hafa verið gerðar.

Við munum nýta okkur rétt okkar til að breyta kröfum um tryggingarfé fyrir þína afurð mismunasamninga, stöðu þinna mismunasamninga og/eða viðskiptareikning þinn fyrir mismunasamninga, í samræmi við gildandi lög, markaðsstaðla, meðferðar áhættuverndar mótaðila og með hagsmuni þína í huga. **Ef við breytum kröfum um tryggingarfé gæti slík breyting leitt til tafarlausrar lokunar á einni eða fleiri stöðum þinna mismunasamninga, nema þú geymir eða leggir inn nægilegt fé inn á viðskiptareikning þinn fyrir mismunasamninga innan þess tímaramma sem við tilgreinum.**

Við berum ekki ábyrgð á neinu tapi eða kostnaði sem þú verður fyrir eða sem skapast vegna þess að við breytum kröfu um tryggingarfé eða öðrum kröfum um tryggingarfé, nema slíkt megi rekja til svika, ásetnings eða vítaverðs kæruleysis af okkar hálfu.

Eftirlit með viðskiptareikningi mismunasamninga og opnum stöðum mismunasamninga

Þér er ljóst að skuldsetningin getur aukið tap þitt engu síður en ávöxtun, þannig að því hærri sem skuldsetningin er, þeim mun minni óhagstæða verðhreyfingu þarf til að ganga á tryggingarféð sem þú leggur fram að stórum hluta eða með öllu. Það þýðir að með aukinni skuldsetningu eykst hættan á hugsanlegu tapi ef virði stöðu mismunasamninga þinnar lækkar. Þér er enn fremur ljóst að meiri skuldsetning eykur kostnaðinn sem tengist fjárfestingunni miðað við tilskilda tryggingarfjárhæð **þar sem allur kostnaður og gjöld eru reiknuð út og gjaldfærð miðað við heildarverðmæti (grundvallarfjárhæð) viðskipta með mismunasamninga (en ekki út frá áskilinni tryggingarfjárhæð)**. Þú skilur að kostnaðurinn sem fylgir mikið skuldsettri stöðu mismunasamninga mun ganga á hluta af upphaflegu tryggingarfé þínu strax og þú stofnar til viðskipta með mismunasamninga.

Þú berð ábyrgð á að fylgjast með viðskiptareikningi þínum fyrir mismunasamninga, þ.m.t. öllum opnum stöðum mismunasamninga, óinnleystum hagnaði og tapi þeirra, innstæðu í reiðufé sem er til staðar á viðskiptareikningi þínum fyrir mismunasamninga og kröfum um tryggingarfé. Ef þú átt ekki nægilegt fé á viðskiptareikningi mismunasamninga til að uppfylla kröfur um tryggingarfé vegna staðna mismunasamninga þinna gætum við lokað, að hluta eða að öllu leyti, öllum stöðum í mismunasamningum þínum, eins og nánar er útskýrt í kafla 11. Við lokum stöðum mismunasamninga í samræmi við [Reglur Okkar Um Bestu Framkvæmd](#) og munum ekki geta gefið þér neinn fyrirvara, né leyft þér að velja stöður mismunasamninga sem ætti að loka eða tímasetningu fyrir slit á slíkum stöðum mismunasamninga.

Þar sem við kunnum að ákvarða eða breyta ýmsum eiginleikum sem eiga við um viðskiptareikning þinn fyrir mismunasamninga og/eða stöðu mismunasamninga, sem og kröfum um tryggingarfé, verður þú að tryggja að nægileg innstæða verði lögð inn á viðskiptareikning þinn fyrir mismunasamninga eða að opnum stöðum mismunasamninga verði fækkað eða lokað til að uppfylla skuldbindingar þínar vegna þessa samnings eða viðskipta með mismunasamninga. Sé þetta ekki gert getur það leitt til þvingaðra slita á stöðum mismunasamninga þinna.

Þú skilur að viðskiptum með mismunasamninga er almennt ætlað að vera skammtíma viðskipti og krefjast reglulegs eftirlits, einkum þegar stöður eru teknar með aukinni skuldsetningu og/eða við sveiflukenndar markaðsaðstæður.

8. Fyrirmæli um mismunasamninga

Þú verður að hafa næga „innstæðu til að fjárfesta“ (eins og skilgreint er í kafla 6 hér að framan) á viðskiptareikningi fyrir mismunasamninga til að geta uppfyllt viðkomandi upphafskröfur um tryggingarfé fyrir tiltekin fyrirmæli um mismunasamninga sem þú vilt leggja fram. Ef svo er ekki geturðu ekki lagt fram fyrirmæli um mismunasamning.

Tengdar kröfur um upphaflegt tryggingarfé að því er varðar tilteknar afurðir mismunasamninga verða tilgreindar í viðskiptakerfinu fyrir mismunasamninga. Frekari upplýsingar um skuldsetningu og (upphaflegar) tryggingarfjákröfur er að finna í kafla 7 í þessum viðskiptaskilmálum mismunasamninga.

Gerðir fyrirmæla um mismunasamninga

Þær gerðir fyrirmæla um mismunasamninga sem standa þér til boða að því er varðar tiltekinn mismunasamning, sem og upplýsingar um hvenær þessi fyrirmæli um mismunasamninga verða hugsanlega lögð inn eða þeim breytt, verða tilgreindar í viðskiptakerfi okkar fyrir mismunasamninga. Frekari upplýsingar um gerðir fyrirmæla er að finna í kafla 18 (Gerðir fyrirmæla) í skilmálum Revolut Securities. Almennt eru eftirfarandi gerðir fyrirmæla í boði í viðskiptakerfi okkar fyrir mismunasamninga: markaðsfyrirmæli, skilyrt fyrirmæli (þ.m.t. fyrirmæli með hagnaðarmarki) og fyrirmæli um stöðvun (þ.m.t. fyrirmæli um stöðvun með hagnaðarmarki). Þú skilur og samþykkir að við getum ekki ábyrgst að tiltekin gerð fyrirmæla fyrir mismunasamninga verði alltaf tiltæk og/eða að þú getir sent inn ákveðna gerð fyrirmæla í öllum eða hvaða mismunasamningum sem eru í boði í gegnum viðskiptakerfi fyrir mismunasamninga.

Þú gerir þér grein fyrir og samþykkir að möguleikinn á að nota stöðvunarfyrirmæli fyrir mismunasamninga (eins og útskýrt er í kafla 18 (Gerðir fyrirmæla) í skilmálum Revolut Securities) er ekki tryggður. Það þýðir að ef um er að ræða mjög sveiflukenndar viðskiptaaðstæður hvað varðar eign sem liggur til grundvallar gætu slík fyrirmæli um stöðvun mismunasamninga ekki takmarkað tap þitt eins og vænt var.

Opnunartími markaða

Þú getur sent inn fyrirmæli um mismunasamning hvenær sem er á venjulegum opnunartíma markaða, sem tilgreindur er í viðskiptakerfinu fyrir mismunasamninga að því er varðar viðkomandi mismunasamninga. „**Opnunartími markaða**“ er sá tími þegar við myndum verð mismunasamninga og sá tími þegar þú getur lagt fram pöntun þína um mismunasamninga eða gefið okkur leiðbeiningar í tengslum við færslur þínar með mismunasamninga.

Þar sem mismunandi afurðir mismunasamninga gætu miðast við mismunandi opnunartíma er það á þína ábyrgð að fylgjast með viðeigandi opnunartíma sem

tilgreindur er í viðskiptakerfi okkar fyrir mismunasamninga. Ef þú leggur fram fyrirmæli um mismunasamninga utan opnunartíma eða þegar undirliggjandi fjáreign er stöðvuð eða ekki í boði fyrir viðskipti verða viðkomandi fyrirmæli um mismunasamninga framkvæmd eins fljótt og auðið er við ríkjandi markaðsaðstæður þegar viðskipti hefjast að nýju.

Sumar, en ekki allar, gerðir mismunasamninga má leggja fram í gegnum viðskiptakerfi okkar fyrir mismunasamninga utan opnunartíma fyrir viðkomandi mismunasamninga. Ef þú leggur fram fyrirmæli utan venjulegs opnunartíma er ekki víst að fyrirmæli þín um mismunasamninga verði framkvæmd á grundvelli þess verðtilboðs sem birtist í gegnum viðskiptakerfi fyrir mismunasamninga og tilteknum takmörkunum kann að verða beitt, auk þess sem tilteknar aðgerðir verða hugsanlega ekki tiltækar.

Framkvæmd fyrirmæla

Okkur ber engin skylda til að samþykkja fyrirmæli þín um mismunasamninga sem eru send með öðrum hætti en í gegnum viðskiptakerfi okkar fyrir mismunasamninga.

Aðeins verður litið svo á að pöntun um mismunasamninga hafi verið móttækin af viðskiptakerfi okkar fyrir mismunasamninga á þeim tíma sem við fáum hana í raun, sem verður ef til vill ekki strax eftir að þú sendir inn þá pöntun um mismunasamninga. Að setja inn pöntun um mismunasamninga tryggir ekki að viðskipti með mismunasamning fari fram þar sem við áskiljum okkur rétt til að hafna pöntun þinni um mismunasamninga. Hægt er að nálgast skrá yfir öll fyrirmæli sem hafa verið framkvæmd eða hafnað í gegnum viðskiptakerfi okkar fyrir mismunasamninga.

Vegna seljanleika og óstöðugleika á mörkuðum eða í kauphöllum undirliggjandi eigna getum við ekki ábyrgst að pöntun þín um mismunasamninga verði framkvæmd eða að framkvæmdarverð þitt verði það sama og verð á pöntun þinni um mismunasamninga sem tilgreint er í viðskiptakerfinu fyrir mismunasamninga. Þetta er kallað „verðskrið“, sem merkir að verðið sem fyrirmæli þín um mismunasamninga verða framkvæmd á gæti verið lægra eða hagstæðara fyrir þig en verðið sem birtist í viðskiptakerfi okkar fyrir mismunasamninga áður en þú sendir inn fyrirmæli þín um mismunasamninga. Þú berð ábyrgð á því að kanna verðið sem fyrirmæli þín um mismunasamning voru framkvæmd á.

Með fyrirvara um ákvæði samnings okkar er þér og okkur heimilt að breyta eða afturkalla pöntun um mismunasamninga í bið hvenær sem er áður en sú pöntun um mismunasamninga hefur verið framkvæmd. Þar sem það er í boði geturðu gert þetta í gegnum viðskiptakerfi okkar fyrir mismunasamninga. Þú samþykkir að við tilteknar aðstæður, og háð þeim mismunasamningum sem þú vilt eiga viðskipti með, munum

við ekki geta orðið við beiðni þinni um að breyta eða hætta við fyrirmæli um mismunasamninga sem eru í bið. **Við berum ekki ábyrgð á neinu tapi, kostnaði eða útgjöldum sem þú verður fyrir vegna þess að við getum ekki breytt eða hætt við fyrirmæli í bið, nema slíkt teljist bein afleiðing af vísvitandi aðgerðum okkar, svikum eða stórkostlegu gáleysi.**

Við höfum rétt til að hafna fyrirmælum þínum um mismunasamninga, eins og lýst er í kafla 23 (Höfnun fyrirmæla) í skilmálum Revolut Securities og rétt til að breyta, hætta við og/eða hafna fyrirmælum þínum um mismunasamninga. Að auki gætum við, að eigin ákvörðun, neitað að taka við leiðbeiningum, stillt sértækar takmarkanir eins og lækkun eingöngu (eins og útskýrt er hér að neðan) eða óheimilt að eiga viðskipti (eins og útskýrt er hér að neðan) fyrir afurðir mismunasamninga eða þínar stöður mismunasamninga, fyrirmæli um mismunasamninga og/eða viðskiptareikning þinn fyrir mismunasamninga, ef við teljum það nauðsynlegt eða höfum gilda ástæðu til þess. Slíkar ástæður fela í sér, án takmarkana, tilvik þar sem framkvæmd pöntunar þinnar um mismunasamninga myndi fara yfir þau áhættumörk sem við höfum sett eða viðskiptareikningur þinn fyrir mismunasamninga gefur til kynna óeðlileg eða óréttmæt viðskipti.

Með því að beita takmörkuninni „**lækkun eingöngu**“ á mismunasamningum okkar eða stöðum þinna mismunasamninga komum við í veg fyrir að þú gefir fyrirmæli um mismunasamninga eða hækkir stöðu þinna mismunasamninga í tengslum við slíka mismunasamninga og þú munt aðeins geta lokað stöðum mismunasamninga að fullu eða að hluta til. Hægt er að beita takmörkuninni um lækkun eingöngu á tiltekna afurðir mismunasamninga, stöður þínar með mismunasamningum eða viðskiptareikning þinn með mismunasamninga. Þegar við setjum reikninginn þinn í stöðuna „**óheimilt að eiga viðskipti**“ komum við í veg fyrir að þú getir lagt fram fyrirmæli um mismunasamninga eða veitt leiðbeiningar í tengslum við viðskiptareikning þinn fyrir mismunasamninga. **Pótt við reynum að láta þig vita fyrirfram áður en við höfnum fyrirmælum þínum eða leiðbeiningum fyrir mismunasamninga eða setjum hvers konar takmarkanir á fyrirmæli þín eða stöður í mismunasamningum og/eða viðskiptareikning þinn fyrir mismunasamninga samþykkir þú samt sem áður að í ákveðnum tilvikum gæti það reynst ógerningur og að í þeim tilvikum munum við láta þig vita eftir að við höfum beitt slíkum takmörkunum.**

Mismunasamningar sem boðnir eru í gegnum viðskiptakerfi okkar fyrir mismunasamninga hafa ekki fyrirfram ákveðinn gildistíma. Þetta þýðir að svo fremi sem þú hefur ekki sent inn fyrirmæli um stöðvun (eins og útskýrt er í kafla 18 (Gerðir fyrirmæla) í skilmálum Revolut Securities), eða að viðskiptareikningur þinn fyrir

mismunasamninga hafi náð fyrirfram ákveðnum lokunarmörkum vegna ónógs tryggingarfjár (þ.e. „lokunarstigi“ eins og það er skilgreint hér að neðan) þar sem reikningnum verður lokað, muntu bera ábyrgð á að loka stöðu mismunasamnings sjálf(ur).

Við áskiljum okkur rétt til að loka mismunasamningastöðu þinni við sérstakar aðstæður, svo sem vegna aðgerða fyrirtækja (eins og lýst er í kafla 15 hér að neðan) sem og vegna óvenjulegra atburða (eins og lýst er í kafla 16 hér að neðan).

9. Verð og útgreiðsla

Við framkvæmum pantanir þínar um mismunasamninga og þess vegna er verðið sem notað er til að stofna til viðskipta með mismunasamninga í gegnum viðskiptakerfi okkar fyrir mismunasamninga myndað af okkur. Það er birt í viðskiptakerfinu fyrir mismunasamninga. Þetta köllum við „**verðið**“.

Verð mismunasamninga sem boðnir eru gegnum viðskiptakerfi okkar fyrir mismunasamninga er ákvarðað út frá verði viðkomandi eignar sem liggur til grundvallar. Verð viðkomandi eignar sem liggur til grundvallar er fengið frá sjálfstæðum markaðsgagnaveitendum og mörkuðum eða kauphöllum til að tryggja að verðið sé sanngjarnt og í samræmi við skuldbindingar okkar um bestu framkvæmd. Hins vegar skilur þú að verðið sem birtist í viðskiptakerfi okkar fyrir mismunasamninga gæti verið frábrugðið verði eignar sem liggur til grundvallar sem er í boði á viðkomandi markaði eða kauphöll þar sem viðskipti með eign sem liggur til grundvallar eiga sér stað eða því verði sem myndast hjá öðrum veitendum sem bjóða svipaða þjónustu. Til að tryggja að þú fáið ávallt sanngjarna verðlagningu og meðferð grípum við til ráðstafana sem er ætlað að koma í veg fyrir að hagsmunaárekstrar hafi neikvæð áhrif á þig, þar á meðal með óháðri verðviðmiðun, auk strangs eftirlits með og banns við ósamhverfu verðskriði. Frekari upplýsingar er að finna [í reglum okkar um hagsmunaárekstra og umbunargreiðslur](#).

Öll fyrirmæli um mismunasamninga sem þú leggur fram í gegnum viðskiptakerfi okkar fyrir mismunasamninga eru framkvæmd utan viðkomandi markaðar eða kauphallar, þ.e. utan skipulegs markaðar, eða á „OTC-grundvelli“. Lestu vandlega [áhættulýsingarskjal](#) okkar varðandi áhættu í tengslum við viðskipti með fjármálagerninga utan verðbréfamarkaða (OTC).

Á opnunartíma markaða fyrir mismunasamninga mun viðskiptakerfi okkar fyrir mismunasamninga sýna verð fyrir mismunasamningana. Viðeigandi verð verður

hugsanlega ekki birt eða efnislega röng verð verða hugsanlega birt ef viðskiptakerfi fyrir mismunasamninga er ekki tiltækt eða undantekningartilvik hafa komið upp sem leiða til þess að við grípum til hverra þeirra aðgerða sem við áskiljum okkur.

Þegar mismunasamningnum er lokað færðu greiddan eða greiðir mismuninn á lokagildi og upphafsvirði mismunasamningsins sem verður reiknaður út frá verði eignarinnar sem liggur til grundvallar. Innleystur hagnaður eða tap samkvæmt viðskiptum þínum með mismunasamninga verður ákvarðað á grundvelli framkvæmdarverðs þegar þú gerðir og lokaðir viðskiptum þínum með mismunasamninga. Ef mismunurinn er jákvæður munum við leggja inn á viðskiptareikning þinn fyrir mismunasamninga upphæðina sem er jöfn innleysta hagnaðinum. Ef mismunurinn er neikvæður verða viðeigandi fjárhæðir sem jafngilda innleystu tapi dregnar frá viðskiptareikningnum fyrir mismunasamninga. Tryggingarfé sem þarf til að opna og halda viðkomandi stöðu mismunasamninga opinni verður einnig sent aftur inn á viðskiptareikning þinn fyrir mismunasamninga. Innleyst tap eða hagnaður verður gjaldfallinn og gjaldkræfur samstundis og verður færður á, eða skuldfærður af, viðskiptareikningi þínum fyrir mismunasamninga.

Þú skilur að verðið sem pöntun um mismunasamninga verður framkvæmd á getur verið minna eða meira hagstætt fyrir þig en verðið sem birtist í viðskiptakerfi okkar fyrir mismunasamninga þegar þú leggur fram pöntun þína um mismunasamninga. Þetta gæti t.d. átt við vegna markaðshreyfinga frá þeim tíma sem þú leggur fram fyrirmæli þín um mismunasamninga í gegnum viðskiptakerfi okkar fyrir mismunasamninga og þar til slík fyrirmæli um mismunasamninga hafa verið framkvæmd. Þú berð ábyrgð á því að kanna verðið sem fyrirmæli þín um mismunasamning voru framkvæmd á gegnum viðskiptakerfi okkar fyrir mismunasamninga og staðfestingar á viðskiptum.

10. Flokkun og vernd sem er í boði fyrir almenna fjárfesta

Samkvæmt gildandi lögum þurfum við að úthluta þér tilteknum flokki viðskiptavina. Eins og lýst er í kafla 6 (Flokkun viðskiptavinar) í skilmálum Revolut Securities munum við koma fram við þig sem almennan fjárfesti, nema við tilkynnum þér sérstaklega um annað.

Almennum fjárfestum er veitt hæsta mögulega vernd samkvæmt gildandi lögum, þar á meðal skuldsetningarmörk (þ.e. krafist er lágmarkstryggingarfjár í upphafi), lokun vegna ónógs tryggingarfjár og vernd gegn neikvæðri stöðu.

Þú getur óskað eftir því að vera flokkaður sem fagfjárfestir en við erum ekki skuldbundin til að samþykkja beiðnina. Endurflokkun sem fagfjárfestir er skýrð nánar í kafla 6 (Flokkun viðskiptavina) í skilmálum Revolut Securities.

11. Sjálfvirk lokun á stöðum mismunasamninga

Í hvert sinn sem þú vilt eiga viðskipti með mismunasamninga þarftu að vera með að minnsta kosti jafnháa fjárhæð og krafist er í upphafi á viðskiptareikningi þínum með mismunasamninga, þar sem þessi krafa um upphaflegt tryggingarfé er háð eign sem liggur til grundvallar í fyrirmælum þínum um mismunasamninga.

Þú skilur að ef markaðurinn þróast gegn stöðu þinna mismunasamninga (þ.e. virði stöðu mismunasamninga þinnar lækkar), gætum við farið fram á að þú útvegir viðbótarfjármagn til að viðhalda stöðu þinna mismunasamninga opinni (sem gæti verið umtalsverð upphæð, allt eftir stærð stöðu mismunasamninga þinnar). Þú gætir þurft að gera þetta með mjög stuttum fyrirvara eða án nokkurs fyrirvara til að halda stöðu þinna mismunasamninga opinni.

Sem almennur fjárfestir átt þú rétt á tiltekinni vernd samkvæmt gildandi lögum. Ein slík vörn er sjálfvirk lokun á opnum stöðum mismunasamninga þinna (við köllum það „**vernd með lokun vegna ónógs tryggingarfjár**“). Ef heildarvirði reiknings þíns fellur niður í 50 % af virði þeirrar upphaflegu framlegðar sem krafist er fyrir allar opnar stöður þínar í mismunasamningum, verðum við að loka (eða þvinga fram uppgjör á) einni eða fleiri af stöðum þínum í mismunasamningum með því að leggja fram markaðspöntun sem lokar eða minnkar opnu stöðuna í mismunasamningum. Við köllum þennan 50% þröskuld „**lokunarstig**“. Viðkomandi upplýsingar um lokunarstig að því er varðar tiltekna afurð mismunasamninga eða stöðu þinna mismunasamninga verða birtar í viðskiptakerfi okkar fyrir mismunasamninga. Við munum hugsanlega breyta viðkomandi lokunarstigi hvenær sem er og þú berð ábyrgð á því að tryggja að þú vitir hvaða lokunarstig er notað fyrir stöður þinna mismunasamninga með því að kynna þér þær upplýsingar sem tilgreindar eru í viðskiptakerfinu fyrir mismunasamninga.

Ef lokunarstiginu er náð á viðskiptareikningi þínum fyrir mismunasamninga, lokum við fyrst opinni stöðu (eða opnum stöðum) mismunasamnings með mesta óinnleysta tapinu sem markaðurinn er opinn fyrir, með því að leggja fram markaðspöntun um mismunasamning í viðkomandi vöru mismunasamnings fyrir þína hönd. Við lokum opnum stöðum mismunasamninga þar til hlutfallið milli reikningsvirðis og upphaflegs tryggingarfjár sem krafist er fyrir allar eftirstandandi stöður mismunasamninga nær

að minnsta kosti 70% („**endurstillingarstig**“). Þér er ljóst að við gætum breytt endurstillingarstigi hvenær sem er án fyrirvara eða nokkurs konar tilkynningar. Ef þú hefur lagt fram fyrirmæli um mismunasamninga í bið í tengslum við sömu eign sem liggur til grundvallar og þá eign sem liggur til grundvallar í stöðu mismunasamninga með fyrirvara um sjálfvirka lokun verða slík fyrirmæli um mismunasamninga í bið afturkölluð.

Þú gerir þér grein fyrir og samþykkir að vegna skyndilegra breytinga á virði eignar sem liggur til grundvallar er ekki víst að við getum lokað stöðum mismunasamninga strax eftir að reikningsvirði þitt fer niður fyrir „lokunarstig“.

Við munum grípa til allra raunhæfra ráðstafana til að loka slíkum stöðum og gæta hagsmuna þinna með því að fylgja [Reglum Okkar Um Bestu Framkvæmd](#). Hins vegar skilur þú og samþykkir að við ábyrgjumst ekki að tilteknum stöðum mismunasamninga verði lokað á fyrirfram ákveðnu lokunarstigi, eða lokað yfirleitt, og þú getur ekki treyst á þessa vernd sem einu verndina til að koma í veg fyrir að þú verðir fyrir tapi.

Ef þú vilt halda öllum stöðum mismunasamninga opnum á viðskiptareikningi þínum fyrir mismunasamninga þarftu að fylgjast reglulega með stöðum þínum og viðhalda nægilegum fjármunum á viðskiptareikningi þínum fyrir mismunasamninga til að vera fyrir ofan mörkin um áskilið tryggingarfé þegar stöður mismunasamninga þinna lækka í virði.

Að undanskildum þeim upplýsingum sem við veitum þér samkvæmt kafla 18 í þessum viðskiptaskilmálum mismunasamninga og kafla 28 (Staðfestingar viðskipta og reikningsyfirlit) í skilmálum Revolut Securities ber okkur engin skylda til að upplýsa þig um breytingar á stöðu viðskiptareiknings þíns fyrir mismunasamninga og áskilið tryggingarfé til að viðhalda stöðu mismunasamninga. Ef við gerum það munum við hins vegar tilkynna þér um nauðsyn þess að bæta fjármunum inn á viðskiptareikning þinn fyrir mismunasamninga með tölvupósti, tilkynningu í forritinu eða í gegnum viðskiptakerfi okkar fyrir mismunasamninga.

Það er á þína ábyrgð að tryggja að reikningsvirði sé alltaf yfir gildandi lokunarstigi sem birtist í viðskiptakerfinu fyrir mismunasamninga. Þér er ljóst að virði reikningsins sveiflast með hliðsjón af virði eignarinnar sem liggur til grundvallar mismunasamninga þinna og þú berð ábyrgð á að fylgjast stöðugt með virði reikningsins þíns. Sjálfvirk lokun (eða þvinguð innlausn) á stöðum mismunasamninga gæti leitt til innleysts hagnaðar eða taps fyrir þig.

Reikningsvirði og óinnleystur hagnaður og tap eru ákvörðuð á grundvelli leiðbeinandi verðs sem birtist í viðskiptakerfi okkar fyrir mismunasamninga. Þú skilur enn fremur að óinnleystur hagnaður eða tap sem birtist í viðskiptakerfi okkar fyrir mismunasamninga hvenær sem er endurspeglar hugsanlega ekki nákvæmlega innleystan hagnað og tap sem yrði aflað eða stofnað til ef þú lokaðir stöðu viðkomandi mismunasamnings samstundis.

Við munum ekki bera ábyrgð eða skaðabótaábyrgð á tapi þínu í tengslum við sjálfvirka þvingaða lokun á stöðum mismunasamninga þinna, tímasetningu eða verðinu sem var í gildi þegar stöðu mismunasamninga var lokað með þvingun eða kostnaði þínum eða gjöldum í tengslum við þvingaða lokun eða síðari endurkomu inn í viðskipti með afurð mismunasamninga, nema um sé að ræða beina afleiðingu af svikum, vísvitandi athöfnum eða stórfelldu gáleysi af okkar hálfu.

12. Vernd gegn neikvæðri stöðu

Ef þú ert almennur fjárfestir ber okkur samkvæmt gildandi lögum að tryggja að heildartap vegna viðskiptareiknings mismunasamninga takmarkist við greiðslur sem þegar hafa verið inntar af hendi á viðskiptareikning mismunasamninga og allan innleystan hagnað af stöðum mismunasamninga innan viðkomandi viðskiptareiknings mismunasamninga. Ef stöður mismunasamninga á viðskiptareikningi þínum fyrir mismunasamninga verða fyrir auknu tapi munum við afsala okkur rétti okkar til að innleysa tapið og skila viðskiptareikningnum þínum fyrir mismunasamninga í núllstöðu. Hins vegar samþykkir þú og skilur að slíkt gerist hugsanlega ekki strax eftir að innstæðan verður neikvæð. Slík vernd er kölluð „**vernd gegn neikvæðri stöðu**“.

Verndinni gegn neikvæðri stöðu er ætlað að vernda almenna fjárfesta í undantekningartilvikum þar sem virðisbreyting verður á eign sem liggur til grundvallar sem er nægilega stór og skyndileg til að koma í veg fyrir sjálfvirka lokun á stöðu mismunasamninga, eins og krafist er í reglunni um lokun vegna ónógs tryggingarfjár, þannig að reikningsstaða viðskiptavinarins verði neikvæð.

Þú ert samt sem áður skuldbundin(n) til að tryggja að heildarvirði reikningsins þíns sé hærra en á lokunarstigi (eins og skilgreint er hér að ofan) sem tilgreint er í viðskiptakerfinu fyrir mismunasamninga.

Til að taka af allan vafa gildir verndin gegn neikvæðri stöðu ekki um stöðu fjármálagerninga þinna og/eða fjármuni á öðrum fjárfestingarreikningum sem hafa verið opnaðir hjá okkur.

13. Kostnaður og gjöld í tengslum við mismunasamninga

Þú þarft að greiða tiltekin gjöld, þóknanir og annan kostnað í tengslum við viðskipti með mismunasamninga hjá okkur. Við munum hugsanlega leggja á og/eða breyta kostnaði öðru hvoru, í tilvikum þar sem við höfum gilda ástæðu fyrir því. Í hvert sinn sem við breytum gjöldunum munum við tilkynna þér um allar slíkar breytingar.

Við innheimtum breytilegt gjald fyrir hver viðskipti með mismunasamninga þar sem eign sem liggur til grundvallar slíkra viðskipta er skráð hlutabréf. Við köllum þetta breytilega gjald „**viðskiptagjald**“ eða „**notkunargjald mismunasamninga**“. Við munum birta leiðbeinandi viðskiptagjald áður en þú sendir fyrirmæli þín um mismunasamninga í gegnum viðskiptakerfi okkar fyrir mismunasamninga. Gjaldið byggir á leiðbeinandi verði afurða mismunasamninga og verður innheimt á þeim tíma sem fyrirmæli þín um mismunasamninga eru framkvæmd, á grundvelli verðs fyrir framkvæmd fyrirmælanna um mismunasamninga.

Við munum innheimta (eða greiða þér) gjald fyrir að halda stöðu mismunasamninga opinni í lok hvers viðskiptadags. Þetta köllum við „**daglánavexti**“. Með „**viðskiptadegi**“ er átt við þann dag þegar viðskipti með eign sem liggur til grundvallar mismunasamnings fara fram á markaði eða í kauphöll. Þetta þýðir að ef þú heldur stöðu mismunasamninga við lok viðkomandi viðskiptadags greiðir þú (eða færð greitt) gjald fyrir að halda stöðu mismunasamninga opinni yfir nótt. Upplýsingarnar um gildandi daglánavexti er að finna í viðskiptakerfi okkar fyrir mismunasamninga. Gjaldið miðast við stöðu þinna mismunasamninga (gnótt- eða skortstöðu) og er breytilegt eftir gildandi vöxtum, álagningu okkar eða niðurfærslu, sem og eign sem liggur til grundvallar mismunasamninga sem þú vilt eiga viðskipti með í gegnum viðskiptakerfi okkar fyrir mismunasamninga.

Við munum ekki skrá neina yfirborgunargjald á reikninginn þinn, hvort sem það stafar af löngu eða stuttu CFD-stöðu, ef útreiknuð inneign er minni en USD 0,01 eða jafnvirði í annarri gjaldmiðlum.

Þegar þú tekur þátt í viðskiptum með mismunasamninga munum við eða utanaðkomandi miðlarar okkar hugsanlega innheimta álag á viðskipti með mismunasamninga sem er mismunurinn á „**sölutilboðsverði**“ (verðinu sem þú getur keypt afurð með mismunasamningi) og „**kauputilboðsverði**“ (verðinu sem þú getur selt viðkomandi afurð með mismunasamningi). Þetta köllum við „**verðbilið**“.

Þegar þú tekur þátt í viðskiptum með mismunasamninga kunnum við hugsanlega að innheimta álag á viðskipti með mismunasamninga sem er mismunurinn á „**sölutilboðsverði**“ (verðinu sem þú getur keypt afurð með mismunasamningi) og „**kauputilboðsverði**“ (verðinu sem þú getur selt viðkomandi afurð með mismunasamningi). Þetta köllum við „**verðbilið**“.

Þú verður að hafa nægilegt fé á viðskiptareikningi þínum fyrir mismunasamninga til að standa skil á daglánavöxtum, viðskiptagjöldum, verðbili eða öðrum kostnaði. Alla fjármuni sem okkur ber samkvæmt samningnum, eða samkvæmt gildandi lögum (þ.m.t. í skattalegum tilgangi), að innheimta má draga frá öllum fjármunum sem þú átt á viðskiptareikningi mismunasamningsins.

Við áskiljum okkur rétt til að draga greiðslurnar sem þú skuldar okkur frá tryggingafénu sem lagt er til að opna og viðhalda stöðum mismunasamninga.

Allur frádráttur af viðskiptareikningi þínum fyrir mismunasamninga verður gerður í þeim gjaldmiðli sem viðskiptareikningur þinn fyrir mismunasamninga er tilgreindur í. Ef þú vilt millifæra peninga inn á eða út af viðskiptareikningi fyrir mismunasamninga í öðrum gjaldmiðlum gæti umreikningsgjald verið lagt á.

14. Framkvæmd fyrirsmæla um mismunasamninga

Ef við samþykkjum pöntun þína um mismunasamning framkvæmum við pöntun þína um mismunasamning í samræmi við [reglur okkar um bestu framkvæmd](#) sem er að finna á vefsvæði okkar.

Við erum ekki ábyrg fyrir neinum hreyfingum fjáreignarinnar á undirliggjandi markaði eða kauphöll frá þeim tíma sem þú lagðir fram fyrirsmæli þín um mismunasamninga og þar til fyrirsmæli þín um mismunasamninga koma til framkvæmdar, né heldur fyrir mismuni á verði viðkomandi gernings, sem birtist í gegnum viðskiptakerfið fyrir mismunasamninga, og endanlegu framkvæmdarverði sem fékkst á tímapunktinum þegar fyrirsmæli þín um mismunasamninga voru framkvæmd.

Við komum fram sem eini viðskiptastaður allra pantana þinna um mismunasamninga og framkvæmum allar pantanir þínar um mismunasamninga gegn okkar eigin eiginfjármagni en ekki í gegnum færslu á neinum markaði eða kauphöll. Það þýðir að við notum ekki aðra viðskiptastaði eða þriðju aðila til að framkvæma pantanir þínar um mismunasamninga. Við framkvæmum viðskipti þín með því að koma fram sem mótaðili þinn

Mistök í viðskiptum og villur

Við höfum rétt til að hætta við viðskipti með mismunasamninga ef viðkomandi viðskipti með mismunasamninga hafa verið gerð á verði sem víkur efnislega og augljóslega frá skilyrðunum á undirliggjandi markaði eða kauphöll. Við köllum slíka atburði „**tilvik um mistök í viðskiptum**“. Tilvik um mistök í viðskiptum geta átt sér stað vegna (en takmarkast ekki við):

- (i) bilunar í tækniþerfum okkar eða þjónustuveitum þriðju aðila; eða
- (ii) rangra gagna (svo sem markaðsgagna) sem við fengum frá þjónustuveitum þriðju aðila; eða
- (iii) notkun þjónustuveitna þriðju aðila á gögnum og/eða verði fyrir mistök; eða
- (iv) ófullnægjandi viðskiptavirkni á undirliggjandi markaði eða kauphöll; eða
- (v) svipaðra bilana, villna (eins og skilgreint er hér að neðan) og yfirsjóna.

Verð mismunasamningsins getur talist efnislega og augljóslega víkja frá aðstæðum á undirliggjandi markaði eða kauphöll ef (i) flókt viðkomandi verðs er núll vegna mistaka; eða (ii) hækkun eða lækkun verðs er umfram venjulegar markaðsaðstæður.

Ef við nýtum okkur rétt okkar til að hætta við viðskipti með mismunasamninga vegna óviðráðanlegra atvika munum við nýta okkur þann rétt eigi síðar en innan 48 klukkustunda frá því að gengið var frá slíkum viðskiptum með mismunasamninga og munum upplýsa þig um afturköllun viðskiptanna með tölvupósti og/eða tilkynningu í forritinu.

Villur

Af og til geta komið upp efnislegar villur og yfirsjónir í tengslum við viðskipti þín með mismunasamninga, viðskiptareikning þinn fyrir mismunasamninga eða viðskiptakerfi okkar fyrir mismunasamninga. Dæmi um „**villur**“ eru verðvillur sem koma í veg fyrir að við ákvörðum verð á tiltekinni vöru mismunasamninga, birting á röngu verði í viðskiptakerfinu fyrir mismunasamninga, röng meðhöndlun pöntunar um mismunasamninga af hálfu okkar, eða rangur frádráttur eða inneign á viðskiptareikning þinn fyrir mismunasamninga. Þér er ljóst að þetta er ekki tæmandi listi yfir dæmi um villur og að við munum hugsanlega, að okkar eigin mati, skilgreina önnur tilvik sem villur.

Ef þú kemst að eða grunar að villa hafi átt sér stað verður þú að láta okkur vita tafarlaust. Við munum leggja okkur fram um að kanna hvort villa hafi í raun hafi komið upp og/eða hvað hafi valdið henni og upplýsa þig að því marki sem mögulegt er og leyfilegt samkvæmt gildandi lögum.

Villa gæti leitt til þess að við grípum til ákveðinna aðgerða (aðgerða sem við áskiljum okkur) eins og sett er fram í kafla 16 í þessum viðskiptaskilmálum mismunasamninga. Við látum þig vita af aðgerðum sem við áskiljum okkur og sem við kunnum að grípa til eða kunnum að hafa gripið til.

15. Fyrirtækjaaðgerðir

„**Fyrirtækjaaðgerð**“ er sérhver aðgerð eða tilvik, hvort sem er tímabundið eða ekki, í tengslum við eign sem liggur til grundvallar mismunasamnings eða í tengslum við útgefanda eignar sem liggur til grundvallar, sem myndi hafa áhrif á virði, lagaleg einkenni eða getu til að eiga viðskipti með eign sem liggur til grundvallar. Fyrirtækjaaðgerðir teljast einnig vera hvers konar breytingar á vísitölunni, sem er eignin sem liggur til grundvallar mismunasamnings, svo sem tilkynning um síðari vísitölu.

Ef fyrirtækjaaðgerð á sér stað og hefur áhrif á eign sem liggur til grundvallar stöðu mismunasamninga þinna munum við grípa til viðeigandi aðgerða til að aðlagja opnar stöður mismunasamninga á þeirri afurð mismunasamninga eða endurgera tilvikið í viðskiptum þínum með mismunasamninga. Við munum starfa af heiðarleika, sanngirni og fagmennsku og í samræmi við viðeigandi markaðsstaðla. Við tökum einnig tillit til allra aðgerða sem viðkomandi mótaðilar eða þriðju aðilar grípa til og, þar sem við á, frádráttar á öllum viðeigandi sköttum.

Við munum tilkynna þér, gegnum viðskiptakerfi okkar fyrir mismunasamninga, um allar viðeigandi aðgerðir sem við ákveðum að grípa til eins fljótt og auðið er, sem, til að koma í veg fyrir efasemdir, getur átt sér stað eftir að viðkomandi fyrirtækjaaðgerðir eiga sér stað eða eftir að við grípum til viðeigandi aðgerða. Við munum grípa til aðgerða að eigin ákvörðun og í samræmi við gildandi lög.

Ef verð eignar sem liggur til grundvallar, sem afurð mismunasamninga byggist á, eða eignin sem liggur til grundvallar er felld niður tímabundið, gætum við, að eigin ákvörðun, lokað öllum viðskiptum með viðkomandi afurð mismunasamninga á verði sem er sanngjarnt og réttmætt. Þú skilur að slíkt verð gæti verið annað fyrir kaup- og söluviðskipti með mismunasamninga og gæti verið á verðinu núll. Við munum leitast við að tilkynna þér um verð og dagsetningu þegar slíkum viðskiptum með mismunasamninga verður lokað. Við áskiljum okkur rétt til að fara fram á viðbótartryggingarfé og/eða að þú greiðir allan eðlilegan kostnað sem við stofnum til í tengslum við stöðvun (eða líklega stöðvun) á afurð mismunasamninga eða viðkomandi eign sem liggur til grundvallar afurðar mismunasamninga.

Ef útgefandi fjáreignar, sem er undirliggjandi eign mismunasamningsins þíns, verður ógjaldfær eða afskráður af viðkomandi markaði eða kauphöll, áskiljum við okkur rétt til að loka öllum opnum færslum með mismunasamninga á þeirri vöru mismunasamninga af sanngirni og fagmennsku um leið og tekið er tillit til allra aðgerða sem viðkomandi áhættuvarnarmótaðilar eða aðrir þriðju aðilar grípa til. Þú skilur að í ákveðnum tilvikum gæti lokaverð slíkrar stöðu mismunasamninga verið núll.

Við gætum, að eigin ákvörðun, lokað stöðu mismunasamninga þinna sem tilteknar fyrirtækjaaðgerðir hafa áhrif á áður en eða eftir að slík fyrirtækjaaðgerð á sér stað. Ef þú ert með viðskipti með mismunasamninga á einhverri slíkri afurð mismunasamninga munum við tilkynna þér um það í gegnum viðskiptakerfi okkar fyrir mismunasamninga.

Þér er ljóst að í ákveðnum tilvikum gætum við þurft að draga tilteknar fjárhæðir frá viðskiptareikningi þínum fyrir mismunasamninga í kjölfar fyrirtækjaaðgerðar. Til dæmis gætir þú þurft að sæta arðgreiðsluleiðréttingu sem dregin er af viðskiptareikningi mismunasamninga ef þú ert með „skortstöðu“ á mismunasamningum. Þessi leiðrétting bætir mótaðila viðskipta þinna með mismunasamninga upp arðgreiðsluna sem hann hefði innt af hendi ef hann ætti undirliggjandi verðbréfin.

Þú skilur að við erum háð þriðja aðila hvað varðar leiðréttingar í reiðufé í tengslum við aðgerðir fyrirtækja, og því munum við ekki bera ábyrgð á afleiðingum seinkaðra leiðréttinga á viðskiptareikningi þínum fyrir mismunasamninga í tengslum við aðgerðir fyrirtækja eða aðgerðir sem við grípum til eða forðumst að grípa til í kjölfar fyrirtækjaaðgerða/r, nema vegna svika, vísvitandi athafna eða vítaverðs gáleysis af okkar hálfu.

16. Undantekningartilvik og aðgerðir sem við áskiljum okkur

Auk þeirra undantekningartilvika sem tilgreind eru í kafla 30 (Röskun á markaði og undantekningartilvik) í skilmálum Revolut Securities teljast eftirfarandi tilvik sem eiga sér raunverulega stað eða við teljum með sanngirni að eigi sé stað, vera undantekningartilvik („**undantekningartilvikin**“).

- villutilvikið;
- breytingar á gildandi lögum og reglugerðum eða aðgerðir sem lögbær yfirvöld eða opinberir aðilar grípa til;
- atburðir eða aðstæður sem skerða getu eða hindra viðskiptakerfi fyrir mismunasamninga eða Revolut-forritið í að starfa á eðlilegan og skipulegan hátt,

þar á meðal villur, bilanir eða truflanir í kerfum okkar eða öðrum innviðum af völdum ótengds þriðja aðila;

- tilvik þar sem við erum ófær um, eða það er óframkvæmanlegt fyrir okkur, eftir að hafa beitt raunhæfum ráðstöfunum til þess, að afla, koma á, endurreisa, skipta út, viðhalda, losa eða ráðstafa öllum viðskiptum eða eignum sem við teljum nauðsynleg eða viðeigandi til að verja okkur fyrir verðáhættu í tengslum við færslur þínar með mismunasamninga;
- breyting á seljanleika og/eða óstöðugleika á viðkomandi undirliggjandi markaði eða gengi sem hefur áhrif á getu okkar til að ákvarða eða halda áfram að ákvarða sanngjarnt og eðlilegt verð fyrir vöru mismunasamninga; eða
- öll önnur undantekningartilvik sem við höfum ekki stjórn á og sem koma í veg fyrir að við getum staðið við einhverjar skuldbindingar okkar samkvæmt samningnum.
-

Ef undantekningartilvikið leiðir til þess að við stöndum ekki við skuldbindingar okkar samkvæmt samkomulaginu telst það ekki vera brot gegn samkomulaginu. Hafi undantekningartilvik átt sér stað munum við leitast við að láta þig vita eins fljótt og auðið er, að því marki sem unnt er og leyfilegt er samkvæmt gildandi lögum. Við munum gera okkar ýtrasta til að halda áfram að veita viðskiptaþjónustu fyrir mismunasamninga og standa við skuldbindingar okkar samkvæmt samningnum eins fljótt og auðið er eftir að undantekningartilvikinu lýkur.

Þegar undantekningartilvik er ekki lengur til staðar og við höldum áfram að veita þér viðskiptaþjónustu fyrir mismunasamninga og framkvæma skuldbindingar okkar samkvæmt þessum samningi á eftirfarandi við:

1. virði allra viðskipta með mismunasamninga sem fara fram rétt áður en undantekningartilvik á sér stað og hafa opna stöðu ræðst af verðinu sem verður í gildi á þeim tíma sem við hefjum aftur að standa við ákvæði viðskiptaþjónustu okkar fyrir mismunasamninga;
2. við getum orðið við leiðbeiningum sem berast frá þér rétt áður en undantekningartilvikið á sér stað, að því tilskildu að það sé mögulegt og gerlegt;
3. þú berð ábyrgð á að endursenda eða afturkalla öll fyrirmæli um mismunasamninga sem verða fyrir áhrifum af undantekningartilvikinu.

Aðgerðir sem við áskiljum okkur

Til viðbótar við aðgerðir sem við eigum rétt á að grípa til samkvæmt kafla 30 (Röskun á markaði og undantekningartilvik) í skilmálum Revolut Securities, ef undantekningin (eins og lýst er hér að ofan) átti sér stað, eða ef við höfum góðar ástæður til að trúa

því, eða ef einhverjar fullyrðingar þínar eða ábyrgðir sem gefnar eru samkvæmt þessum samningi verða rangar, eða okkur er skylt samkvæmt gildandi lögum að gera það, getum við að eigin ákvörðun gripið til eftirfarandi aðgerða á sanngjarnan og réttmætan hátt (við munum kalla þessar aðgerðir „**aðgerðir sem við áskiljum okkur**“):

1. að sameina eða loka einhverjum viðskiptum með mismunasamninga, eða hætta við eða fresta einhverjum fyrirmælum um mismunasamninga fyrir viðskiptareikning þinn fyrir mismunasamninga;
2. að banna þér að fá aðgang að eða nota viðskiptareikning fyrir mismunasamninga;
3. að fresta eða á einhvern hátt takmarka getu þína til að leggja fram fyrirmæli um mismunasamninga eða hafna öllum fyrirmælum sem þú færð í tengslum við viðskiptareikning þinn fyrir mismunasamninga;
4. að neita eða fresta að framfylgja beiðni þinni um úttekt á peningum af viðskiptareikningi þínum fyrir mismunasamninga;
5. að gera breytingu á tryggingarfjárkröfu, viðeigandi kostnaði og gjöldum, eiginleikum, þ.m.t. þeim sem tengjast viðskiptum með mismunasamninga þínum og/eða mismunasamningum;
6. að hætta við viðskipti með mismunasamninga (eins og þau hefðu aldrei verið gerð í upphafi) og áhrif slíkra viðskipta á mismunasamninga á viðskiptareikningi þínum fyrir mismunasamninga;
7. að setja sérstaka skilmála varðandi öll fyrirmæli um mismunasamninga, viðskipti með mismunasamninga sem við teljum, í krafti stærðar sinnar, vera óeðlileg með vísan til viðkomandi afurðar mismunasamnings, óstöðugleika hennar eða lausafjárstöðu;
8. að loka viðskiptareikningi þínum fyrir mismunasamninga, sem setur viðskiptareikning þinn fyrir mismunasamninga í stöðuna óheimilt að eiga viðskipti eða lækkun eingöngu (eins og þessi hugtök eru skilgreind í kafla 8 hér að ofan);
9. að Revolut nýti sér rétt sinn til að jafna fjárhæðir á fjárfestingarreikningi þínum, Revolut-viðskiptareikningi sem opnaður var hjá tilboðsaðila Revolut-reiknings eða fjárhæðir sem við skuldum þér við peninga sem þú skuldar okkur með því að framkvæma áskilinn frádrátt eða innheimta vexti;
10. að halda eftir hverri þeirri upphæð sem þú skuldar okkur samkvæmt þessum samningi;
11. að fresta verðmyndun og/eða verðtilboði og/eða framkvæmd fyrirmæla um mismunasamninga í viðskiptakerfi okkar fyrir mismunasamninga að því er varðar allar afurðir mismunasamninga;

12. að fjarlægja allar afurðir mismunasamninga úr viðskiptakerfi okkar fyrir mismunasamninga og/eða hindra að þú getir virkjað viðskipti með mismunasamninga fyrir tiltekna afurð mismunasamninga.

Við reynum að láta þig vita áður en við grípum til aðgerða sem við áskiljum okkur, nema gildandi lög hindri það, eða, ef það er ekki hægt, tilkynna þér um leið og við grípum til slíkra aðgerða sem við áskiljum okkur og veita þér fullnægjandi upplýsingar um aðgerðirnar og ástæður þeirra.

Við berum ekki ábyrgð á tjóni, kostnaði eða útgjöldum sem þú verður fyrir eða skapar þér vegna undantekningartilviks eða aðgerða sem við áskiljum okkur og grípum til, annarra en þeirra sem rekja má til svika okkar, vísvitandi athafna eða vítaverðs gáleysis.

17. Yfirlýsingar og ábyrgðir

Til viðbótar við þær yfirlýsingar og ábyrgðir sem þú hefur gefið okkur samkvæmt kafla 11 (Fyrirsvar) og kafla 36 (Markaðsmisnotkun og misnotkun á viðskiptaáætlunum) í skilmálum Revolut Securities lýsir þú yfir og ábyrgist gagnvart okkur að þú:

1. sért ekki með aðsetur (hvort sem er tímabundið eða varanlega) eða heimilisfestu í Bandaríkjunum eða öðrum lögsagnarumdæmum þar sem það kann að vera ólöglegt að fá aðgang að viðskiptakerfi okkar fyrir mismunasamninga eða eiga viðskipti með mismunasamninga;
2. hafir engin tengsl við útgefanda eignar sem liggur til grundvallar mismunasamningsins sem þú hefur gefið fyrirmæli um, þ.m.t. sem stjórnarmaður, starfsmaður, umboðsmaður, verktaki eða faglegur ráðgjafi slíks útgefanda;
3. sért ekki skuldbundinn neinum ófjárhagslegum mótaðila (eins og slíkt hugtak er skilgreint í EMIR-reglugerð ESB (ESB) nr. 648/2012) að því er varðar viðskipti með mismunasamninga.

Hvert fyrirsvar og ábyrgð sem þú gefur okkur samkvæmt samningnum telst hafa verið endurtekið í hvert skipti sem þú sendir inn fyrirmæli um mismunasamninga eða tekur þátt í viðskiptum með mismunasamninga í gegnum viðskiptakerfi mismunasamninga.

18. Upplýsingar sem við veitum þér

Við veitum þér ýmsar upplýsingar sem tengjast viðskiptareikningi þínum fyrir mismunasamninga á og í gegnum viðskiptakerfi okkar fyrir mismunasamninga okkar, tölvupóst eða vefsvæði, þar á meðal eftirfarandi:

1. Þegar við höfum framkvæmt pöntun um mismunasamning veitum við þér tafarlaust nauðsynlegar upplýsingar um framkvæmd pöntunarinnar um mismunasamning;
2. Í þeim tilvikum þegar upprunalegt virði viðkomandi stöðu mismunasamninga lækkar um tíu (10) prósent og þar á eftir um margfeldi af tíu (10) prósentum tilkynnum við þér um það með tölvupósti eigi síðar en við lok viðskipta daginn sem farið er yfir mörkin eða, ef staða mismunasamnings lækkar á degi þegar markaðir eru ekki opnir, fyrir lok næsta opnunardags; og
3. Yfirlit yfir viðskiptareikninga fyrir mismunasamninga fyrir opnar stöður mismunasamninga þinna og alla peninga sem við varðveitum í tengslum við viðskiptareikning þinn fyrir mismunasamninga, eins og krafist er samkvæmt gildandi lögum.

Það er á þína ábyrgð að fara reglulega yfir upplýsingarnar sem við veitum þér í gegnum viðskiptakerfi okkar fyrir mismunasamninga til að tryggja að þær samsvari upplýsingunum sem þú skráir. Þú skalt tafarlaust láta okkur vita ef þú tekur eftir mistökum, villum eða ónákvæmni í slíkum upplýsingum.

Upplýsingarnar sem við veitum þér í tengslum við viðskiptaþjónustu okkar fyrir mismunasamninga og viðskiptareikning þinn fyrir mismunasamninga (nema um augljósar villur sé að ræða) teljast endanlegar og eiga við um þig nema:

1. Þú mótmælir skriflega með skilaboðaeiginleikanum í Revolut-forritinu innan fimm (5) viðskiptadaga frá því að þú veitir slíkar upplýsingar; eða
2. Við látum þig vita af öllum skýrum og augljósum villum í slíkum upplýsingum.

Í slíkum tilvikum munum við og þú leggja okkur fram um að leiðrétta tafarlaust slík mistök, villur og rangfærslur og við breytum upplýsingunum sem um ræðir til að bæta úr slíkum mistökum.

Upplýsingar um þig

Við geymum ákveðnar upplýsingar í tengslum við fyrirmæli um mismunasamninga þína og viðskipti með mismunasamninga að því marki og í þann tíma sem gildandi lög leyfa. Þú getur nálgast þessar upplýsingar í gegnum viðskiptakerfi okkar fyrir mismunasamninga nema viðkomandi viðskiptareikningi fyrir mismunasamninga hafi verið lokað eða samningnum rift.

Ef þú breytir samskiptaupplýsingunum sem þú gafst okkur upp verður þú að tilkynna okkur um það tafarlaust. Við berum ekki ábyrgð á neinum skaða, kostnaði, útgjöldum eða tjóni sem þú verður fyrir eða hefur orðið fyrir vegna þess að þú hefur ekki upplýst okkur um breytingar á samskiptaupplýsingum þínum.

Við veitum þér þennan samning á litáísku og ensku og munum framvegis hafa samband við þig á ensku. Samkvæmt því, með því að staðfesta og samþykkja þessa skilmála, staðfestir þú að þú hafir nægilega enskukunnáttu til að geta notað viðskiptakerfi okkar fyrir mismunasamninga, skilið að fullu þessa skilmála og öll önnur skjöl sem mynda samninginn milli okkar sem og aðrar upplýsingar og efni sem við sendum eða þú hefur fengið í gegnum Revolut-forritið.

Viðskiptakerfi fyrir mismunasamninga, þar á meðal eiginleikar þess og upplýsingar innan þess, verður sjálfgefið veitt á ensku og tilteknir eiginleikar (eins og markaðsathugasemdir) kunna aðeins að vera í boði á ensku. Hins vegar getur þú valið annað tungumál fyrir viðskiptakerfi okkar fyrir mismunasamninga, eiginleika þess og upplýsingar. Þú ættir aðeins að velja annað tungumál ef þú býrð yfir fullnægjandi kunnáttu og skilur til fulls viðkomandi tungumál. Ef þú velur annað tungumál er það alfarið gert á þína ábyrgð.

Þú samþykkir að við munum hafa samband við þig í gegnum Revolut-forritið, með tölvupósti eða textaskilaboðum.

Með því að gera þennan samning við okkur samþykkir þú sérstaklega að veita lykilupplýsingaskjöl í gegnum viðskiptakerfi okkar fyrir mismunasamninga og/eða vefsvæði okkar. Þú getur hvenær sem er farið fram á að fá afrit af lykilupplýsingaskjöllum, þér að kostnaðarlausu.

19. Markaðsgögn

Í viðskiptakerfi okkar fyrir mismunasamninga færðu aðgang að markaðsgögnum, rannsóknnum og upplýsingaverkfærum sem voru undirbúin fyrir þig til að gera þér kleift að taka betri fjárfestingarákvarðanir. Hins vegar ætti ekki að líta á slík gögn og verkfæri sem fjárfestingarráðgjöf, hvatningu, beiðni eða boð um að eiga viðskipti með mismunasamninga.

Þegar viðskiptakerfi okkar fyrir mismunasamninga, vefsvæði, tölvupóstar eða annað efni frá okkur inniheldur tengla á önnur vefsvæði og tilföng frá þriðju aðilum eru slíkir

tenglar aðeins veittir þér til frekari upplýsinga og við tökum enga ábyrgð á þeim, né neinu tjóni sem kann að verða vegna notkunar þinnar á þeim.

Allir eiginleikar (þ.m.t. töflur), markaðsgögn eða efni þriðja aðila sem er aðgengilegt á viðskiptakerfi okkar fyrir mismunasamninga okkar eða með tölvupósti er veitt „eins og það er“ og „eftir framboði“. Við og þjónustuveitur þriðja aðila höfum gripið til allra viðeigandi ráðstafana til að tryggja að slíkt efni sé rétt og fullnægjandi. Hins vegar veitum við og þjónustuveitur þriðja aðila okkar ekki neinar ábyrgðir, fyrirheit eða yfirlýsingar (hvorki beinar né óbeinar) sem tengjast þessu efni, að því marki að ekki sé um að ræða brot á skyldum af ásetningi eða stórfellt gáleysi af okkar hálfu.

Í tengslum við markaðsupplýsingar þriðja aðila, eða svipaðar upplýsingar eða eiginleika og upplýsingar sem þér eru veittar í gegnum viðskiptakerfi okkar fyrir mismunasamninga okkar, skilur þú og samþykkir að:

1. við og þjónustuveitur þriðju aðila veitum ekki fjárfestingarráðgjöf eða persónulegar ráðleggingar;
2. við og þjónustuveitur þriðja aðila séum ekki ábyrg eða bótaskyld ef markaðsupplýsingar, eiginleikar eða upplýsingar eru ófullnægjandi, ónákvæmar eða ófullkomnar að einhverju leyti;
3. við og þjónustuveitur þriðja aðila ábyrgjumst ekki að markaðsupplýsingar eða svipaðar upplýsingar séu tímanlegar;
4. við og þjónustuveitur þriðja aðila berum enga ábyrgð eða skaðabótaskyldu vegna aðgerða sem þú framkvæmir eða framkvæmir ekki á grundvelli markaðsgagna, eiginleika eða upplýsinga;
5. við og þjónustuveitur þriðja aðila veitum aðeins markaðsgögn eða svipaðar upplýsingar í almennum tilgangi og að markaðsgögn eða svipaðar upplýsingar ætti ekki að nota sem einu forsendu fyrir fjárfestingarákvörðun;
6. þú munir nota markaðsgögn, eiginleika eða upplýsingar eingöngu í þeim tilgangi sem settur er fram í viðskiptaskilmálum þessara mismunasamninga og í samræmi við gildandi lög;
7. upplýsingar í eiginleikum eða efni þriðja aðila séu leiðbeinandi og kunni hvenær sem er að hafa úrelst;
8. öll greining, niðurstöður og athuganir byggja á fyrri árangri, mynstri og gögnum og endurspegli ekki endilega framtíðarafkomu.

Til að taka af allan vafa gildir kafli 16 (Markaðsgögn og aðrar upplýsingar) í skilmálum Revolut Securities einnig um markaðsgögn þriðju aðila og aðrar upplýsingar sem

aðgengilegar eru í gegnum viðskiptakerfið fyrir mismunasamninga.

20. Viðurkenndir aðilar

Þú hefur ekki leyfi til að koma fram sem fulltrúi eða talsmaður neins aðila í tengslum við viðskiptaþjónustu mismunasamninga. Það þýðir að þú ert eini viðskiptavinur okkar í öllum skilningi og ert eingöngu ábyrgur fyrir því að uppfylla allar skuldbindingar þínar samkvæmt hverjum mismunasamningi fyrir sig og þessum samningi.

Þú berð ábyrgð á að halda trúnað um allar upplýsingar sem þú geymir á viðskiptareikningi þínum fyrir mismunasamninga. Þú verður að tilkynna okkur tafarlaust ef þú hefur vitneskju um eða grunar að einhver aðili hafi fengið aðgang að eða gæti fengið aðgang að viðskiptareikningi þínum fyrir mismunasamninga eða öðrum upplýsingum sem þú geymir á viðskiptareikningi þínum fyrir mismunasamninga, án þíns leyfis.

21. Tiltækileiki viðskiptakerfis okkar fyrir mismunasamninga

Þrátt fyrir að við notum alla eðlilega aðgát og færni til að gera viðskiptakerfi okkar fyrir mismunasamninga og eiginleika þess, viðskiptaþjónustu okkar fyrir mismunasamninga, vefsvæði okkar og Revolut-forritið aðgengilegt hvenær sem þú óskar þess getum við ekki ábyrgst að Revolut-forritið eða viðskiptakerfi okkar fyrir mismunasamninga verði aðgengilegt hvenær sem er. Við getum heldur ekki ábyrgst að þessi búnaður verði án truflana, laus við villur eða uppfylli einstaklingsbundnar kröfur þínar eða sé samhæfur við þinn vélbúnað eða hugbúnað. Ef tæknileg vandamál koma upp geta komið upp tilvik þar sem þú getur ekki opnað eða lokað mismunasamningum þínum og/eða fylgst með opnum stöðum þínum.

Við berum ekki ábyrgð gagnvart þér vegna taps, tjóns, útgjalda eða annars kostnaðar sem hlýst af því að viðskiptakerfi okkar fyrir mismunasamninga er ekki tiltækt vegna tæknilegra vandamála eða af öðrum ástæðum, nema slíkt tap, tjón, kostnaður eða annar kostnaður sé bein afleiðing af svikum, vísvitandi verknaði eða vítaverðu gáleysi af okkar hálfu.

Ef viðskiptakerfi fyrir mismunasamninga og/eða Revolut-forritið verða ekki tiltæk vegna áætlaðra eða brýnna uppfærsluaðgerða munum við reyna, þar sem því verður við komið, að tilkynna þér það fyrirfram svo þú getir skipulagt þig í kringum það.

Þú berð ábyrgð á því að tryggja að þú getir fengið aðgang að viðskiptakerfi okkar fyrir mismunasamninga þegar þú þarft þess. Þetta felur í sér aðgang að tæki sem getur tengst viðskiptakerfi okkar fyrir mismunasamninga, viðhald tækisins, til að tryggja að það virki á réttan, traustan og öruggan hátt, og aðgengi að fullnægjandi nettengingu. Aðgangur þinn að viðskiptakerfi fyrir mismunasamninga og Revolut-forritinu getur rofnað ef notuð er veik nettenging eða úrelt útgáfa af Revolut-forritinu. Þú ættir að tryggja að þegar þú notar Revolut-forritið sért þú tengd(ur) við áreiðanlegt og stöðugt netkerfi og að Revolut-forritið sé alltaf uppfært í nýjustu fáanlegu útgáfuna.

Þú skilur að við gætum lokað fyrir aðgang viðskiptakerfi fyrir mismunasamninga og Revolut-forritinu og/eða viðskiptareikningi þínum fyrir mismunasamninga ef atburðirnir sem tilgreindir eru í kafla 32 (Lokun á fjárfestingarvettvangi og fjárfestingarþjónustu) í skilmálum Revolut Securities eiga sér stað.

22. Lagaleg atriði

22.1. Atburðir sem falla ekki undir þennan samning

Ef við eða þú þurfum að grípa til aðgerða sem falla ekki undir þennan samning eða skilmála Revolut Securities, munu þú og við leitast við að grípa til slíkra aðgerða eða leysa málið í samræmi við gildandi lög og reglugerðir og í góðri trú og að tekni tilliti til hagsmuna hins aðilans. Þegar við grípum til slíkra aðgerða tryggjum við að þær séu í samræmi við markaðsstaðla og -venjur og tókum mið af áhættuvarnarviðskiptum sem við höfum átt og/eða öllum aðgerðum sem mótaðilar okkar eða annar viðeigandi utanaðkomandi aðili grípur til.

22.2. Uppsögn

Þú og við getum lokað viðskiptareikningi mismunasamningsins og rift samningnum í samræmi við kafla 33 (Uppsögn og lokun fjárfestingarreiknings) í skilmálum Revolut Securities. Ef við lokum fjárfestingarreikningnum þínum og riftum samningnum við þig verður viðskiptareikningnum þínum fyrir mismunasamninga einnig lokað.

Ef þú hefur ákveðið að loka fjárfestingarreikningi þínum án þess að segja upp samningnum við okkur og vilt halda viðskiptareikningi þínum fyrir mismunasamninga opnum munu ákvæði skilmála Revolut Securities gilda áfram að því marki sem þau eiga við um veitingu viðskiptaþjónustu fyrir mismunasamninga.

22.3. Breytingar

Að undanskildum breytingum á eiginleikum, tryggingarfé og öðrum kröfum um tryggingarfé sem kann að vera breytt tafarlaust, með eða án tilkynningar til þín, munum við gera breytingar á þessum viðskiptaskilmálum fyrir mismunasamninga í samræmi við kafla 45 (Frávik og breytingar) í skilmálum Revolut Securities.

22.4. Samningur okkar við þig

Aðeins þú og við höfum réttindi samkvæmt samningnum. Samningurinn er gerður við þig persónulega og þú getur ekki framselt réttindi þín eða skyldur samkvæmt honum til annarra.

22.5. Réttur okkar til framsals

Upplýsingar er að finna í kafla 46 (Réttur til framsals) í skilmálum Revolut Securities.

22.6. Trúnaður

Frekari upplýsingar er að finna í kafla 5 (Samskipti við viðskiptavini) og kafla 42 (Trúnaður) í skilmálum Revolut Securities.

22.7. Kvartanir

Upplýsingar er að finna í kafla 43 (Kvartanir) í skilmálum Revolut Securities og reglur okkar um meðhöndlun kvartana er að finna bæði á [ensku](#) og [litáísku](#).

22.8. Ensk útgáfa þessa samnings gildir

Ef þessir skilmálar fyrir mismunasamninga eru þýddir á annað tungumál er þýðingin aðeins til viðmiðunar og enska útgáfan skal gilda. Með því að gangast undir þennan samning og millifæra peninga inn á viðskiptareikning þinn fyrir mismunasamninga staðfestir þú að þú hafir nægilega enskukunnáttu til að skilja þessa viðskiptaskilmála fyrir mismunasamninga og nota viðskiptaþjónustuna fyrir mismunasamninga. Þú samþykkir að eiga samskipti við okkur á ensku hvað varðar lagaleg samskipti er varða þennan samning, þar á meðal að því er varðar innsendingu og úrlausn kvartana.

22.9. Réttur okkar til að framfylgja þessum samningi

Upplýsingar er að finna í kafla 47 (Ekkert afsal) í skilmálum Revolut Securities.

22.10. Gildandi lög og málshöfðun

Lög Lýðveldisins Litáens gilda um þessa skilmála Trading Pro og þennan samning. Mál sem höfðuð eru samkvæmt þessum skilmálum fyrir mismunasamninga má sækja fyrir dómstólum í Lýðveldinu Litáen (eða dómstólum í landinu þar sem þú býrð).

Gjaldskrá

Viðskiptagjald (eða gjald vegna notkunar mismunasamninga). Greiða þarf breytilegt viðskiptagjald (eða gjald vegna notkunar mismunasamninga) fyrir hver viðskipti með mismunasamninga þar sem eign sem liggur til grundvallar er skráð hlutabréf. Viðskiptagjald verður innheimt af heildarvirði stöðu mismunasamninga þinna en ekki af upphaflegri tryggingarfjárhæð sem þú þarft að leggja fram við opnun stöðu mismunasamninga þinna.

Við innheimtum viðskiptagjaldið vegna viðskipta þinna með mismunasamninga af handbæru fé þínu á viðskiptareikningi þínum fyrir mismunasamninga. Viðskiptagjald verður innheimt af öllum viðskiptum með mismunasamninga sem eru gerð með skráðum hlutabréfum. Þótt við birtum þér leiðbeinandi upphæð viðskiptagjalds áður en þú sendir inn fyrirmæli um mismunasamninga verður raunveruleg upphæð viðskiptagjalds skuldfærð við framkvæmd fyrirmæla þinna um mismunasamninga.

Viðskiptagjald fyrir hverja færslu mismunasamninga í skráðum hlutabréfum jafngildir 0,25% af grundvallarfjárhæð stöðu mismunasamninga þinna eða að minnsta kosti 0,01 Bandaríkjadal, hvort sem er hærra. Við rukkum þig fyrir hver viðskipti með mismunasamninga sem þú átt gegnum viðskiptakerfi okkar fyrir mismunasamninga, þ.e. opnun og lokun slíkra viðskipta með mismunasamningum.

Við innheimtum ekki viðskiptagjald fyrir viðskipti með mismunasamninga þegar eignin sem liggur til grundvallar slíkrar vöru í mismunasamningum er ekki skráð hlutabréf.

Verðbil. Þegar þú framkvæmir mismunasamningsviðskipti gætum við innheimt verðbil af þér vegna mismunasamningsviðskiptanna þinna, en það er mismunurinn á söluverði og kaupverði mismunasamningsvörunnar. Verðbilið er skuldfært þegar þú opnar og lokar (að fullu eða að hluta) stöðu mismunasamninga þinna, ef við á. Verðbilið gæti verið mismunandi fyrir hverja gerð eignar sem liggur til grundvallar og verður birt í viðskiptakerfinu fyrir mismunasamninga.

Við gætum breytt verðbilinu vegna markaðsaðstæðna og án nokkurrar undangenginnar tilkynningar. Þú ættir að hafa í huga að verðbilið sem gildir fyrir fyrirmæli um mismunasamninga sem lagðar eru fram utan venjulegs opnunartíma markaða gæti verið hærra en verðbil fyrirmæla um mismunasamninga sem lögð eru fram á opnunartíma. Verðbil er gjaldfært miðað við heildarvirði stöðu mismunasamninga þinna.

Daglánavextir. Við munum innheimta daglánavexti af þér fyrir að halda opinni kaupstöðu (gnóttstöðu) fyrir mismunasamninga í lok hvers viðskiptadags og munum

hugsanlega greiða þér daglánavexti fyrir að halda opinni kaupstöðu (skortstöðu) fyrir mismunasamninga í lok hvers viðskiptadags. Daglánavextir eru greiddir af þér eða okkur fyrir hvern almanaksdag sem þú heldur kaupstöðu fyrir mismunasamninga opinni eftir lokun viðkomandi markaðar eða kauphallar, þ.m.t. um helgar og á lögbundnum frídögum viðkomandi markaða.

Þrátt fyrir það sem fram kemur hér að ofan gætum við einnig, eftir markaðsaðstæðum og undirliggjandi gerningi, greitt þér daglána gjald fyrir að halda langri stöðu eða innheimt af þér daglána gjald fyrir að halda stuttri stöðu. Upplýsingar um hvort við innheimtum af þér eða greiðum þér daglána gjald og um leiðbeinandi gjaldið verða birtar í viðskiptakerfinu fyrir mismunasamninga áður en þú sendir inn pöntun fyrir mismunasamninga.

Fjárhæð daglánavaxta fer eftir því hvort þú ert að opna kaupstöðu (gnóttstöðu) eða sölustöðu (skortstöðu) mismunasamninga og er breytileg á grunni gildandi millibankavaxta fyrir gjaldmiðil viðkomandi gernings, álagningu okkar eða niðurfærslu auk þeirrar eignar sem liggur til grundvallar mismunasamningnum sem þú vilt eiga viðskipti með. Daglánavextir fyrir hverja opna stöðu mismunasamninga eru breytilegir og eru reiknaðir og greiddir út daglega. Leiðbeinandi daglánavextir eru birtir í viðskiptakerfi okkar fyrir mismunasamninga áður en þú sendir inn fyrirmæli þín um mismunasamninga. **Venjuleg** álagning (fyrir gnóttstöðu) okkar og niðurfærsla (fyrir skortstöðu) samkvæmt gildandi vöxtum mun jafngilda **3%** vöxtum á ársgrundvelli, nema fyrir: mismunasamninga um gjaldeyrisviðskipti (FX), gull og silfur sem bera 1% álagningu (eða niðurfærslu).

Við gætum greitt þér daglánavexti fyrir að halda skortstöðu mismunasamninga eftir lokun á viðkomandi markaði. Daglánavextir eru innheimtir eða greiddir til þín miðað við grundvallarfjárhæð stöðu mismunasamninga þinna.

Ef þú heldur stöðu mismunasamninga þinni opinni þegar viðkomandi markaðir eða kauphallir fyrir eignina sem liggur til grundvallar eru lokaðar (t.d. um helgar) gætum við innheimt (eða greitt þér) daglánavexti fyrir þrjá almanaksdaga þar sem stöðu mismunasamninga var haldið opinni. Daglánavextirnir verða innheimtir af handbæru fé eða lagðir á viðskiptareikning mismunasamninga.

Öll gjöld og þóknanir sem tengjast viðskiptum þínum með mismunasamninga verða skuldfærð og dregin af innstæðu þinni í handbæru fé eða lögð inn á viðskiptareikning þinn með mismunasamninga.

Þú berð ábyrgð á því að tryggja að þú eigir ávallt nægar innstæður í handbæru fé á viðskiptareikningi mismunasamninga til að standa straum af greiðslufjárhæðum samkvæmt þessum samningi. Við áskiljum okkur rétt til að draga gjaldfallnar upphæðir til okkar frá tryggingarfjárhæðinni sem þú hefur lagt inn til að halda stöðum mismunasamninga þinna opnum, ef tiltækt reiðufé nægir ekki til að standa straum af öllum slíkum fjárhæðum.